

CINSHI NALACITA NA YESU UWITWA KRISTU?

 Shikulu akupale, Munyina Vayle. Mwashibukeni, mwe fibusa. Ine lyonse ndacelwa. Billy acilanjeba ukutila Nacikwata, muno lucelo, kibili Ninkwata ukulanshanya ukwa kufika amakumi yatatu, kibili Ninkwata yabili, eico, Nincetekela yabili nangu yatatu. Eico Ine tekuti mfike fye ku muntu uuli onse, namwishiba, kibili abantu balelolela, kibili balelolela pa fyatantikwa pa myeshi ne myeshi. Kibili Shikulu alacita ifintu fimo ifikalamba mulya. Oh, Ena ni—Ena ni Lesa wesu. Bushe Ena taba?

² Nomba Ndi uwashininkisha, muno lucelo, ukutila ifwe bonse natwishiha ubulanda bukalamba ubo ubucitike kuli cino calo, iya kulufya kwakwa Kateka wesi, Mista Kennedy. Nangula Nshasuminishenyne noyu muntu mufikansa fya calo fyakwe kibili namuli bukapepa bwakwe, lelo nangu cibefyo tafwile ukufwa kwati ngafilya. Iyo. Kibili nokusha abana banono kunuma, ukwabula wishi. Kibili nyina uyo waba... Misisi Kennedy, nangu icine cine Ine tekuti nsuminishanye pamo na ena, kibili nenshila shakwe ne fintu, limbi, lelo, ibukisheni, ena ni nyina. Ena elyofye alufishe abana bakwe, kibili nokulufya umulume wakwe. Kibili aponene pa molu yakwe, kibili no mulopa wa mulume wakwe wine wapongolokele pa molu yakwe. Ico cintu cabipa.

³ Bushe walitala autontonkanyapo... Inshita shimoshimo ifwe tutontonkanya ukuti ena alibika icakumwenako ica calo, mu masitailo nefintu. Ukucila limbi cingabefyo, pamo. Lelo bushe mwalishiba, Misisi Kennedy tatalile omfwapo imo iya ishi Mbila Nshimikila palwa ico? Nga cakutila kuti aumfwa imo iya ilye Mbila, limbi kuti acita icapusanako. Kibili bambo ba nkashi yesu abo aba yumfwa, kibili bena bacili abakana ukukonka shena. Mwamona? Mwamona? Mwamona? Ena akushiwe Katolika; ifyo ena aishiba. Takuli nangu cimo ukulwisha ico, mwamona. Ena... Iyo emibombele. Takuli nangu cimo ica kususha abantu, abantu ba Katolika. Iyo emibombele, imibombele yaba Katolika, kwati pamofye ngaba Prebysteriani, Methodisti, nangu conse icashala pali fyena, mwamona, nangu ba Pentecosti, icili conse pali fyena. Yena emibombele, te bantu iyo.

⁴ Mista Kennedy, Ine ndetontonkanya, acitile u—u umulimo uusuma uwa kuba Kateka. Umutima wandi uli pamo no mukashi wakwe. Kibili Ningumfwa ubulanda ubwine bwine palwa ico,

icakutila nangufye icalo cesu nacumfwa, ncita tubi nefyaba ngefyo muno calo cesu, teti shicite icintu icaba kwati ngefyo.

⁵ Nga tekuti musuminishanye no muntu, bwino, no kusenda ubwiminishi bobo; kibili teo umulandu wakwipaila umuntu umbi, pamulandufye wafintu ifyaba ngefyo. Kibili nabena abana banono baishiba, batila, umo umuntu munono atile, "Nomba Nshikwete nangu umo uwakwangala pamo naime nakabili. Bataata baliya." Mwamona?

Eico lyonse Ntontonkanya ukuti cilya cili nokuba icalo candi, ubushiku bumo. Cena calicitika imiku iingi, ngafintu imwe mwaishiba, ukulaswa imfuti mufyalo ifyen; lintu bema babikile imibili yabo pali ine, ukunsunga ukuti tabandashile, apatali.

⁶ Eico ngo muntu afwa nga filya... Lelo, ulya e—e mutengo uulipilwa, ico ciya pamo no bukata bwa fintu ifyalekana lekana. Mwamona? Ndetontonkanya twafika pakati kaonse Kateka, uwalenga bane, umo ukufuma muli bane, bala mwipaya, kibili Ndomfwa ububi ubwabipa nganshi palwa ico. Icanson iacutti ifwe twalikwata umuntu uwaba ngefyo mu America, uwingacita icintu icaba kwati ngefyo.

⁷ Kibili nomba, cibe, nga fintu Nacilanda Nsha—Nsha suminishenyne pamo nefikansa fya calo cakwe. Ine... Nsha, nshasumisheko pamo na mano yakwe pacu ena aleesha ukucita. Lelo, mwamona, ena muntu umbi. Kibili Nshasumineko kumibombele yabukapepa bwakwe. Ine—Ine icine cine nshasumina kuli cilya. Lelo, cibe, ena—ena akushiwe muli ilya nshila. Ico cali—ico cali ifyo cena cali. Nga fintu Nalandile limbi cali icaibela, cena limbi cali icaibela.

⁸ Ifwe twalikwata ici—icintu tucita pano, icakuti lintu umo umuntu wesu afwa, nangu icintu cimo, nangufye kulya kumbi... Ntontonkanya nge—nge chalichi camu America, ngo mubili uwa bema America...

abantu bamu America basalile Mista Kennedy, ukumubika nga Kateka. Kibili cilya cali... Ico cine emulandu ifwe twabela bamaisosele. Nshasalile Mista Kennedy. Nasalile Mista Nixon, pantu Ine nalimwishibe Mista Nixon, palwandi. Kibili Na—Nalimutemenwe, kibili Na—kibili Nali musalile, palwandi, pantu Nalimutemenwe. Lelo abantu bamuli cino calo, abena America, abekashi banandi aba muli cino calo, basalile Mista Kennedy. Kibili ne nshila bema bacitilemo ico, ukuba, ico caba pakati kabu na Lesa, lelo apo epo cafikile.

⁹ Lelo Ndetontonkanya, pamulandu wakwa uyu mayo, umuntunse, nyina wabana, Misisi Kennedy, bushe tekuti twiminineko pakashita akanono mwipepo ukumupepelako ena?

¹⁰ Shikulu Yesu, ifwe fwebantunse, ifwe twalikwata imyumfwile yaumo no munankwe. Kibili tuli abaumfwa ubulanda, Shikulu, ukutila Kateka wesu balimupika imfuti

afwa mumusango ena afwililemo, mukumwipaya-ukwabula umulandu. Kibili tuli ababulanda nganshi ukuti icalo cesu cifikile pankumba yaifi, ukutila abantu abamusango uyu ba—baba mu calo cesu, abo abengepaya umuntunse-ukwabula umulandu; kwati nga fintu baipeye ulya munyinefwe uwafita tapapitile inshita, kibili ukutifye bamupikile ena imfuti palya pene uwabula-umulandu, pamulandu wa mutundu ukupingwila libela. Kabli ifwe tuli ababulanda ukuti abantu bamusango uyo bekala pakati kesu, Shikulu. Ifwe, ubunasha bwesu, ebwaleta ici ukubapo.

¹¹ Kibili twapepelako Misisi Kennedy, umukashi ulya uwakwa uyu, Kateka. Kibili mubeshibe bena abana banono abalelolesha pali—pali wishi wabo, uyo uwabashile inshiku ishinono ishapitapo ilyo cilya tacilacitika, bali abantu abansansa, kibili abalesendwa nokwangala pamo nabena pansi. Nomba bena tabakwete wishi. Kibili kuli ulya mwanakashi ulya... umukashi wakwe, ukuti umulume wakwe wine aponene pamolu yakwe, no mulopa wakwe wakunkulukile pa ndeleshi yakwe; elyofye kwali ukushika umwana wakwe.

¹² Kibili cibe, Shikulu, ifwe limbi kuti twacetekela ukuti umwanakashi aali mucilubo, mu—mu—mu musango ena abikilemo ulutampulo mucalo, pa mifwalile nefyaba ngefyo; lelo ukuti—ukuti ico cifwile cabafye ku bantu, bamu America, bonse pamo, bena, ico ico eco bafwaya. Eico ifwe—ifwe twamupepelako ena, muno lucelo, ukutila Imwe mwala mwafwa ena. Kibili lekeni ukutila ena asange ico icaba Icine, Yesu Kristu! Fikilisheni ico, Shikulu, mwe Bamo Abo abengapela umutende ne citalaliko munshita ya bwafya.

¹³ Kibili twafweni, Shikulu, ukutwalilipo ukuba, pamo ne mitima yesu yonse, ulubuuto ulubengeshima, ukutila ifwe tatwishibe ninshita nshi nangu longolo nshi ulo ifwe tufwile ukukwata pa muntu umo umbi. Kibili lekeni tubengeshime tulange u Lubuuto lwakwa Kristu mpaka Akese. Kibili nomba Kacema Mukalamba uwa mukuni, Uyo uwaishiba ubupingushi bonse, akaleta ulubembu lonse mukulandulwa, kibili Ena akeshiba umusango wakucitilamo ico. Kibili ukufika na nomba, twaibika palwesu mu maboko Yenu, mu kutemwa Kwenu no luse pali ifwe. Mwi Shina lyakwa Yesu. Ameni.

¹⁴ Ee, Nshiletontonkanya umuntu nangu umo uufwile ukufwa nga filya. Nomba, Mista Lincoln tafwaile ena ukufwa kwati nga filya. Mista McKinley tafwaile ukufwa kwati ngafilya. Huey Long tafwaile ukufwa kwati nga filya; nangu umo pali bena abantu. Nshacetekela muli ico. Bakepaya, ico cintu cabipa. Abalumendo besu tabalwile ukwabuka bemba pacintu cimo icaba kwati ngefyo. Imendela yesu tayapupile pa cintu cimo icaba kwati ngefyo. Ifwe tatuli abekashi abena America pa cintu cimo kwatu ngefyo. Iyo. Nangula icalo cesu caba icaonaika

kabili icapilibulwa no lubembu, ico eci—ico ecicita ifyo fintu. Ulo lubembu.

¹⁵ Nomba, ileelo ifwe twalikwata...Ine nalafundisha kwi sukulu lyapa Mulungu, kabili kuli ifintu ifingi ifyo Ndefwaya ukulandapo ku chalichi. Kabili nefyo nifi, icintu cakubalilapo, Ine kuti nafwaya imwe mwanjelelako pakumikatilila pa nshita ntali pa Mulungu ulucelo lintu Nkwata ishi Mbila. Kabili nomba nga cakutila Shikulu asuminisha...Umulandu Ine ncitila ifi, ni pamulandu wakutila Na—Naba pamo pakati ka bantu bandi kabili Mfu—Mfundisha amasambililo yabafye ayakosa ngafintu Naishiba ifyo caba. Nshifundisha aya amasambililo mulya mu ncende shimbi. Njimininafye pali filya—filya Ninjiminina fye pa fishinka ifikankala ifya Mbila nsuma. Lelo aya amasambililo ayaba ayakosa, Nshi—Nshifunda yena mulya mu—mu ncende shimbi. Kabili nomba, pano, cena cinsendela ora umo, inshita shimo, ba ora babili nangu batatu, ukupwisha i Mbila yandi. Kabili Ndamwikatilila pamo inshita shimo, twelufu-sate, wanu koloko. Kabili uto tunonofye pafyo Ine nalecita. Ine kuti naikala ubushiku bonse, mupepi, inshita shimo. Ine naleya, twaletampa mu, inshita ishingi, kuma eiti koloko kabili nokuya ku ng'anda mu lucelo lwakonkapo pa tuu nangu fili, ico nacilungama, ukufuma mukulongana.

¹⁶ Lelo Ine—Ine—Ine nalaesha ukucita, lintu Naisa pamo na imwe nakabili, kabili fye ili—linono...isambilisho mucifulo cakufundisha apakalamba pali ici, kano Namibukisha imwe kuntanshi-ya-nshita ukuti cena cili nokuba icintu cimo, pantu, Ine ninkwata Amapenga Cine lubali, Nincetekela, ayo ayaleisapo, ayaikatanya bwino Icikakatikilo ca Mutanda. Lintu Icikakatikilo ca Mutanda calilile, yonse Amapenga Cine lubali yalilile pamuku umo, mwamona. Kabili eico ifwe...Ine kuti nafwaya ukubika ico ku Chalichi ilyo Ukwisa Kwakwe takulacitika, ngacakutila...nangu ukuya kwandi, nangu conse ico cena cingaba, ngacakutila Ine kuti nacicita.

¹⁷ Nomba, nga cakutila ifwe twacita ico, nomba tuli nokwibukisha imwe kuntanshi yanshita. Kabili limbi nomba, nga fintu ifwe tumwene muno lucelo, ifiyanda ifikalamba fyonse ukwisula, nefibumba, nokushinguluka konse konse, tuli nokwesha...Natukwata incende pano nomba tufwile twaba abakubula pano pene. Cena cikalika abantu amakana yatatu, kabili cikulwa icikalamba icisuma icesukulu ukucilakofye ifwe panono pano. Kabili Amapenga Cine lubali, tukesha ukushimikila pali yena palya pasukulu. Kabili ico cili nokupela incende iikalamba iyakwikalamo, mwamona, eico kuti twaingishamo abantu mukati.

¹⁸ Tulefwaya tukapele ulusebo kulya ku New York, ukutila ifwe twalikwete inshita iisuma. Morris Auditorium kulya, ifwe twale bwekeshamofye abantu, cila bushiku. Baliswile mukati. Umulilo...Umuntu ulya uwakwata ilya incende...Kalwisha

wamulilo ali nokwisala incende nga cakutila ifwe twabaleka baiminina, abaisula mukati kwati nga filya. Kabili twaliba bwakeshemo. Kabili abantu mulya mumisebo, baleendauka ukuya uku noku mu misebo, kulapepafye ukutila umuntu anaka kabi aimo nokuya panse, pakutila bena baingila mukati nokubula ifipuna. Mwamona? Umuntu fye umo, bena kulolelafye kulya kunse ukulolela umuntu umo, ukwingila mukati. Kabili umo ulya uukonkelepo pa mwinshi, kabi bena baleka umo ukwingila kwati nga filya. Lintu umuntu umo aimako nokuya panse, afwile aya mukwangufyanya ku ng'anda, ukuba, bena kuti baingila nokwisa akanyako cilya mubwingi bwaciko. Mwamona, bena kuti baisa. Lyena lisuma nganshi, ibumba ilisuma nganshi ilya bantu. Kabili Nincetekela isonde, ichalichi cabena Kristu, nacikwata insala yakwa Lesa.

¹⁹ Nomba Ni—Ni—Nincetekela ukuti... Natotela, munyina. Ni—Nincetekela ukuti—ukuti Lesa alatupela iyi inshita, apo ifwe twingesa capamo kabi nokukwata yalya Amapenga ayakulekelesha Cine lubali. Ndafwaya ukutungululwa mukucita filya fintu, pakutila imwe mwaishiba.

²⁰ Nomba pamwikulo uwaba Shimakwebo Baume... Ilingi line, chapitala wabo kulya, Ndetontonkanya ukutila bena batile balikwete ukuli konse ukufuma pali fifite ukufika kuli andeleti abasangilwe kumwikulo. Kabili lulya lucelo bena bashitise imyanda cine lubali na cine lubali ama tiketi, nokuleka abashala bonse ukwingila mu ncende, pakutila yaisula yonse. Kabili namulukungu monse, na konse konse mufibumba, kabi nokuya uku noku ukulaikila ama sitepu, cena mwaiminine abantu. Kabili na bakapyunga bambo abakalamba, nabengi bashimapepo, kabi—kabi nefyaba ngefyo, bali mulya ukumfwa ku Mbila. Kabili eico, Ninkutuluka, Nincetekela cena calyafwile apanono. Cena limbi calicitilepo fimo—fimo ifingi, ukucila pafyo ifwe icine cine twinga tontonkanya cena ukuba.

²¹ Nomba, lilya, munshita yabushiku... Ifwe tufwile ukukwata i... i Mbila munshita yabushiku, Shikulu nga atemwa, pa—pe sambilisho ilya—ilya kuti, pamibebe yenu pamo na Kristu. Kabi nomba iyo ileba... Yena ileba iipi. Ifwe tulefwaya tutampeko, Ndefwaya ukuba pacintamba pa seveni-sate. Nga cakutila... Ni nshita nshi iyo lyonse mutampilapo, nipa seveni-sate? [Munyina atila, "Ifwe tutampa pa seveni sate, lelo ifwe twalatampila pa seveni."—Kale.] Oh, seveni, kabi Nalaba pacintamba pa seveni-sate, kabi ico calaisa nenga imfumepo pa eiti-sate, nga cakutila Shikulu asuminisha, pantu Ine—Ine fye... Nalabafye uwa angufyanya ngefyo Ningacita, kabi Nalatampa ukubombelapo.

²² Nomba icintu cimbi, cili, limbi kuti kwaba abeni abomfwile abantu baleseka. Pantu, Ndesha ukufumapo pano, lelo Ndafilwa ukucita ico. Cena ciba umusango wakuti... Ndesubila cena tacumfwikike icakuba ica bukapapa, lelo ba mayo balelanda

ukuti, lintu abantu baisa capamo ngefyo, cena cibafye kwati finkamfu fyalubele munshita ya lucelo lwatalala. Namwisha, cena cilatikama, nokulasela panono. Kibili ifyo emusango cena cabelamo. Ine ndenda panono panono muli ishi Mbila, pamulandu wa—wa kulowa ukwacisali cakwa Lesa, namwisha, umusango wakutila cena catulenga ukuba abatikama capamo. Kibili Nsh—Nshi—Nshingafwaya, nsingafwaya cena ukuba munshila imbi. Nde—Ndefwaya cena ukubafye muli ilya nshila. Apo, Ndeibukisha ifwe twaleimba lulya ulwimbo:

Ibe iyapalwa inkolo iyo iitubika pamo
 Imitima yesu ukuba mukutemwa kwabena
 Kristu;
 Isenge lyesu ilya mano ya bulupwa
 Lyena lyaba kuli cilya icaba pa Muulu.
 (Mwamona?)

Ifwe tulalekanamo pakati,
 Cena citupela ubukali bwa mukati;
 Lelo ifwe tuli nokuba aba ampana mu mitima,
 Kibili ukukwata isubilo ilya kukumana
 nakabili.

²³ Kibili Ni—Nincetekela ukutila ico ecili nokuba lyonse icakusanga kwesu—kwesu pano. Abengi pali balya abashila abakale balilala mutulo ukutula lilya line, lelo tucili abaikatana mu mitima. Kibili Ndetontonkanya cilya icimonwa lulya ulucelo, ukubamona bena ukwabukila kulya kwishilya, kibili nokupalwa nobukata ubwa mishinku ya bwaice iya baume no bwanakashi, cicili cilemoneka ukutila bena bacitile pano, lintu bena bali pano pe sonde. Ndetontonkanya balelolela ukwisa kwesu. Ubushiku bumo tuli nokwampana pamo na bena, Lesa nga aba uwakabilwa. Nomba Ine—Ine...

²⁴ Kibili ibukisheni ukulongana konse, ukulongana kwa nyimbo kwalatampa pa seveni koloko munshita ino iya bushiku, mucifulo ca seveni-sate.

Kibili nomba, uyu umulungu ukakonkapo, Nkaba ku Shreveport, Louisiana, kibili napalya pa Life Tabernacle ku Shreveport, Louisiana. Kibili Ndetontonkanya bena baleesha ukukwata iciyanda icikalamba ukwabuka umusebo. Munyina Moore alitura ubushiku bwafumineko, atile bena... Cena musonkano wapampela wa mwaka, kibili bena baleenekela umulalo uukalamba uwabantu.

²⁵ Ndefwaya ukupela ubunte ubunono lintu ilyo fye Nshilabelenga Amalembo. Na—na mayo aikele pano ubushiku bumbi, kwali... Ndemyeba ifyo ulongolo lwaba ulwa muntu umo ukupelako umbi. Ine califye mukulolesha panshi kibili namwene namayo umo Ine fye... Margie Cox, Munyina Rodney nomukashi wakwa Cox nabekala pano. Kibili uyu umulungu

wafumineko, Nincetekela cali, lintu ifwe twali pano, Mupashi wa Mushilo alepela ukulingulula ukuya monse mufikulwa, imwe namwisha, ifyo abantu balanda. Kibili ena aikeleko... Ena nomba ekele pano pene. Lelo ena ali fye kulya ku ncende imo. Kibili Na—Naloleshe kulya kwishilya, kibili kwali na mayo ulya—ulya uwaitilwe, ukutila ena akwete ubulwele bwa diabetes. Kibili Margie ali... Kibili mu cimonwa cali ni Margie. Kibili Margie aiminine palya; kibili cibe Naloleshe panshi, Namwene ena, kibili cena caali ni... Kibili Natontonkenye... Kibili Naloleshe ukumona uyu umwanakashi umbi, kibili Margie ewali mucimonwa, lelo u Lubuuto lwali pali ulya umwanakashi. Eico Ine—Ine namwene.

²⁶ Kibili Natontonkenye, “Ukuba, nga cakutila Naita Margie, bena kuti batila, ‘Icine cine, ukuti, icine cine.’ Umuntu umo alibeshiba bena, ukutila, ‘Malandu nshi, ena—ena, umulume wakwe—wakwe ena alifye umo pali—pali bacibusa bakwe aba pamutima, bena bekala pamo, balala pamo, balungila pamo, kibili—kibili ne fintu fyonse, icine cine, ico cili, ena kuti aishiba ico.’” Lelo Margie taishibe ico. Lelo Naitile na mayo umbi, uyo uwali i... Nincetekela, ena ali ninkashi uwafumine ku Chicago, nga fintu Nasambilile ku ntanshi.

²⁷ Lelo nomba kwaishile, cilya muli ena... umwa kupangila ifintu, bena balepela ifyakwesha ifya bulwele bwa shuka. Kibili—kibili ena akwete ubulwele bwa shuka. Kibili eico ena ali pamusebo wakwe, ubushiku bwa mailo ilyo tabulafika, aleya ku kiliniki palwa ico. Kibili—kibili eico lintu alumbwile ico, elyo Nabweseshe icawkibukisha cakwe pali ici. Kibili Natile, “Isa kuno, Nkashi Margie.” Kibili nokumweba ifyo ena aleumfwa icanshi mu maboko yakwe, kibili—kibili ifyo cilya calemulenga ukukwata imyumfwile iyabipa iyine ine.

Namayo munono abomba akasuba no bushiku, mupepi, kulya kwine, kuli... mayo umunono uwanakila, ukwafwilisha umulume wakwe ukulipila pa ng’anda yabo iyo bena baleesha ukukula. Kibili—kibili ena na nkashi yakwe umunono, Nellie, na Charlie, uyo e munyina wakwa Rodney, umukashi wakwe, kibili na bonse ukubombela pamo muli shilya incende shakupangilamo ifintu mulya, balebombeshafye mumaka ngefyo bena bengacita. Nokufumyapo umusebanya, bena balekele umushishi wabo ukukula, kibili nokufumyapo bakalaso, ifintu ifyaba ngefyo, lintu bena bacinjishe ukuba abena Kristu. Nacetekela ukupela ukutasha apo ukutasha kufwile ukuba. Kibili Ine icine cine nalikwata incende iyakaba mu mutima wandi pali balya babilo abanakashi abanono.

²⁸ Kibili nomba namwikete pakuboko kwakwe nokumupepelako ena. Kibili ena aile pamuulu, kibili bena bafilelwe ukusangamo diabetes apali ponse. Yena yalipwile, eico.

Na mayo aikele pano pene pa ncende imo, uyo uwaitilwe, kibili ena ali ni nkashi uweshina lya Bruce. Nshacimumona muno lucelo, lelo ena lyonse... Ena aba umwanakashi icine uwakupepelako. Kibili uyu umwanakashi acisa ingila mukati, kibili ena inshita yakushalikisha Nali pano, kibili tapalipo na—nama kadi yakupepelwapo ayapelwe, nangu tapali nangu cimo, eico tapafwile ukuba umuntu nangu umo, umulongo waba kupepela nangu umo, eico bena fye... Mupashi wa Mushilo Aitilefye mwi bumba.

²⁹ Kibili uyu umunono Misisi Bruce, ena ali—alyundepwe pamuku umo, palwakwe, kwipwalonda. Kibili ena—kibili ena lyonse akwete fye icisendo pali ena mu mutima wakwe pa muntu umo umbi, kibili ena alepepa fye. Kibili kwaliko na mayo uwafumine ku Louisville, uyo uwalefwa, kwipwalonda mu mukolomino. Kibili ilyo ena alepepa, Mupashi wa Mushilo ailefye pali ulya umwanakashi, amwita ena, kibili naconse ico Wena wacitile, bamwebele ena untu ali, wamwebele ena, ukucila, untu ena ali, kibili nobwafya bwakwe ifyo bwali, kibili napalwa ena ukukwata ipwalonda, kibili atile ena, cena cilebafyne bwino. Kibili namayo munono aile ku ng'anda.

Inshiku ishalinga panuma yaico, ena atampilefye ukulatusaila ukuti afwe, mupepi, umukolomino wakwe wafimbile munshila pa muulu. Aakolele apakalamba, kibili nepwalonda lyatolweke ukufuma. Kibili ali uwapwililika. Mwamona?

³⁰ Cinshi icacitike, imwe mwamona, icabulungana, palwa ciko, cakubapo ice pwalonda icakwata ubumi muli cena. Mwamona? *Ipwalonda*, lifuma ku—ku kwi shiwi, ilya mumibele yamuti, ica “ng'anse,” ico icilepilibula ukuti cena calikwata amolu ayengi, kwati nge—nge ng'anse imwe mufumya muli bemba kibili—kibili cilonka umulopa ukufuma muli imwe. Kibili ici cintu cepwalonda icalekula mu mukolomino wakwe, cena cali, ifyo efyo cena calecita.

Nomba, mwamona, Nshilebombela pamo ne cakukula. Ndebombela pamo nobumi ubo ubuli mucilekula. Mwamona? Umweo uuli mucilekula eco ifwe tulebombelapo pamo. Mwamona? “Mwi Shina Lyandi bena bakatamfishamo ifiwa.” Ishiwi *iciwa* ni “cikalungulusha,” kwati nikumubili. Kibili uyu ali ni ciwa. Kibili nomba lintu ubumi bwafumine mucakulile, ifyo fine, ico calengele icakulile ukutampa ukufimba.

³¹ Kwati fye ni mbwa iinono iyo batipilepo pa musebo, icintu cimo icaba kwati ngefyo, lekeni yena ikale palya mukasuba panshiku ishinono, nomba, yena ilafimba yaba imiku ibili ngefyo yena yali mukumoneka.

Ukuba, ico ecialelenga ulya umwanakashi umunono ukulabipilako. Imiku iingi Nali londolola pali cena. Nga cakutila iwe wabipilako, ico ecishibilo cine cine ukutila iwe naundapwa,

mwamona. Kibili eico cena caleya cilebipilakofye inshita yonse, nokula mulasaula ena, pantu cena calefimba. Kibili ico... Lelo cena califwile, ubumi bwafumine muli cena. Kibili nokukola kwakwe kwati *ngefyo*, mwamona, [Munyina Branham akola—Kale.] kwati *ngefyo*, cafumine, cena catintilwe ukufuma monse mumubili wakwe. Kibili cilya icintu icafwile, califye mubili umwabula ubumi muli cena, ipwalonda lyalifumine, lyatoloka lyafuma, mwamona, lyaponene kunse.

³² Eico, ifyo efyo, umubili wafumine nomba. Cilya tacali ciwa icafumine. Cilya ni ng'anda cena caleikalamo. Cena cafumine pamulandu necicetekelo ca mwanakashi ico icalandilwe muli ena, ukwishiba ukutila Yesu Kristu aba cimo cine mailo, ileelo, no muyayaya, ico ecaipeye ipwalonda, cafumishemo ubumi.

Nomba, ena limbi alibwelelemo kuli dokota, kibili na dokota atile, “Fintu fyabulamo amano, cilya—cilya—cilya cintu cilifye palya pene cimo cine nga fintu cena lyonse caba.” Lelo ico cali icalungama, icalekula cali palya, lelo u bumi tabwali, tabwali palya. Mwamona?

³³ Nomba, nga nga cakutila cena cali kuncende kumo uko cena tacali nokukwata—ukukwata ukufuma?

Bushe ico e cikope? [Munyina Neville alanda kuli Munyina Branham, “Ico e cikope cacilya icalekula icafumine muli Misisi Baker, icafumine kulya ku Springville, Indiana. Kibili ena... Ici e cikope bakusha, ico ena afumishe, panuma ye pepo.”—Kale.] Pano pali icikope ica cintu cilya icalekula ukufuma muli Misisi Baker, ukufuma ku Springfield, Indiana, ico icafumine, panuma ye pepo. Ico e cikope ca ico. Mwamona, uyo emubili untu ciwa aikelemo.

Kwatifye nga fintu imwe mwikalala muli uyu umubili mwikalama; wena kuti waba uunono, uukalamba, uwamishishi yakashika, uwamishishi yafita, conse ico cena cingaba. Mwamona? Ciwa limbi kuti aikala muli uyu umubili, nangu Kristu kuti aikala muli uyo umubili. Ukuba, nomba lintu ubumi bwafuma muli cena, umubili obe ucilifye pano pene pe sonde, mwamona, lelo umweo taulimo mulya.

Lintu ubumi bwafumine, umubili bwafumine palya pene. Kibili nomba cena calepwike ukufuma mu mubili wakwe kibili caposelwe panse, umubili walifumine.

Lelo nga cakutila cena caba mu ncende umo cena tacinga fuma, nomba umutima obe ufwile wabula cilya icintu icafwala nokuwamya umulopa, cila nshita wena ulepompa. Cena cilaleta impepo, ne fintu fimbis, pantu cena cili bulwele. Mwamona? Kibili nomutima obe ufwile uku... Ndetontonkanya umutima ulawamya umulopa ilyo wena ulepita. Bushe ico nacilungama, Nkashi Dauch? Ndetontonkanya ico nacilungama. Umutima, ilyo ulepompa, ulawamya. Nursi, namwishiba, kibili naumbi uwikele pano kuntanshi yakwe. Ukuwa... abula u... Kibili

ico ecileta impepo ukufuma kubulwele. Cena cibula ubulwele kabili—kabili nokupishamo impepo.

³⁴ Nomba, abantu, mwamona, cena cicetekelo cobe. Cena taciba imyumfwile yobe. Cena tacaba nangu cimo, nangula cena cingaba ifyo, nga cakutila ukuboko kwandi takololweke. Ico tacikwete nangu cimo icakucita neco. Cena citetekelo candi e cicita. Mwamona? Bwino bwino kuntanshi yesu, tulemona icipasho ica muntu uwaundapwa bwino bwino, ku cicetekelo. Kabili nomba ifwe tupangafye ulutampulo nolutampulo mpaka twanyanta bwino muli ulya muntu, kabili nokwendafye uwalungama ukutwalilila pamo na cena. Mwamona? Mwamona ico. Kabili ico, ico ecicita cena, icicetekelo cobe; temyumfwile yobe. Icitetekelo cobe ecicita ico. Ukutotela namalumbo fibe kuli Lesa!

³⁵ Nomba pakashita fye akanono akepepo, kabili natukwata isambililo pano ilyo ifwe tulefwaya ukupela ukutontonkanyapo, kabili akashita akanono aka Shikulu engafwaya ukubombela pamo naifwe umwabela ici.

Kabili, nomba, kabili nomba nga bambo pali imwe bali nokuya muno lucelo, kabili tababe mukulongana kwamucungulo kasuba, Shikulu nga asuminisha, Ine—Ine ndefwaya ukuba pano nakabili. Ulupwa luli nokubwela mu mulungu waci Minshi minshi. Kabili nomba, pa Mulungu panuma yaci Minshi minshi, Shikulu nga asuminisha, Ndefwaya ukwisa shimikila i Mbila yaci Minshi minshi pano pe hema; Pa Mulungu panuma yaci Minshi minshi. Shikulu nga asuminisha, isambililo lili nokuba, *Kalomba Lomba Pa Musebo*.

Eico lekeni tukonteke imitwe yesu nomba kabili nokupela ipopo ilyo ifwe tatulabelenga isambililo.

³⁶ Shikulu Yesu, Imwe benifye mupepi naifwe muli ino nshitatufe. Kabili ifwe natwishiha ukuti cena cintu cakosa mu chalichi cesu icinono, kabili lintu abengi baiminina. Kabili—kabili ifwe tuli pano te pa mulandu wakumfwa ubusuma bwa ncende, ico icitungela ifwe icitalaliko caku mubili, pantu cena tacaba ica citalaliko. Kabili ifwe tatuli pano ukwisa monekela. Lelo ifwe tuli pano ukutila twingomfwa Úkubapo Kwenu. Kabili ifwe natwishiha ukutila Imwe muli pano. Kabili ifwe tuli pano muku lungamikwa. Kabili tuli pano, ukwishiha ukutila ifwe tuli mu ng'anda yakwa Lesa. Kabili ifwe tuleumfwa bwino ukuba pano, temulandu nefyo tacinga tupela ukukana ikala bwino, ukwiminina, kabili—kabili ukwikala abatitikana, lelo ifwe tuli pano pa mulandu wa kutila ifwe—ifwe tuleumfwa ukutila Lesa ali pano.

³⁷ Kabili mu musango umo wine unya umulumendo aumfwililemo bulya bushiku, lintu Paulo ashimikile ubushiku bonse, we mbila we iitali, ukufuma limbi mukuwa kwa kasuba ukufika namukutula kwa kasuba, ulucelo lwakonkelepo. Kabili

umuntu ulya umwaice uwikele palya pa muulu, ena aliponene kabiili bena batontonkenye ukutila ena alifwile. Kabiili na Paulo alele pamuulu wakwe, kabiili u Mupashi wakwa Lesa ulya uwali pa nkcombe wabweseshi umupashi wa bumi mu mubili wa mulumendo. Kabiili atile, “Ena alabafye bwino,” kabiili no mulumendo ali no mweo. Ena ali uwatemwa muco Paulo alelanda.

³⁸ Kabiili, Lesa, naifwe tuli abafwaya muno lucelo muco u Mupashi wa Mushilo walalanda ku mitima yesu. Kabiili ifwe twapepa ukutila Imwe mwalamokaula Umukate uwa Mweo pali cila umo muli ifwe, ukutila ilyo ifwe twalafuma pano ileelo, ukutila ifwe bonse twifuma muli cino cikulwa abantu bambo bene lintu ifwe twacisa muno. Lekeni umwina Kristu abe uwapalamina kuli Imwe. Lekeni aba bembu bapilibuke ileelo. Lekeni abalwele bondapwe. Kabiili lekeni Ubufumu bwakwa Lesa bwise mupepi naifwe, nangu fye ukuba muli ifwe. Pantu twaipusha ico mwi Shina lyakwa Yesu Kristu, ilyo tulelolela pa Mupashi Wakwe ukutupela Ifyebo. Ameni.

³⁹ Nomba lekeni tubelegenge Amaleumbo yamo, ayo ayali...i Cebo cakwa Lesa Lyonse calilungama.

Kabiili nomba, nacila umo, Ndemonia imwe muli ba luse kuli abo bambo abeminine. Nimona umuntu umo aiminina, kabiili umbi aikalako, kabiili apela umuntu umo umbi icipuna. Ico cisuma nganshi. Nacitemwa nga cakuti ifwe twacikwata apakwikalala apakalamba, lelo ifwe tatukwetefye pena, kabiili pali ino nshita.

Pilibuleni muli Mateo 27, kabiili ifwe twalabelenga ukufuma pa versi 11, kabiili nomba ifwe twalalandia pali ili isambililo.

kabiili Yesu aiminine ku cinso cakwa kafinala: kabiili kafinala amwipwishe ena, atile, Bushe niwe i Mfumu yaba Yudah?... Yesu atile kuli ena, Nausosa.

Kabiili lintu ena bamubepeshe ubufi kuli shimapopo mu kalamba nabakalamba, ena talandilepo nangu cimo.

Nomba Pilato atile kuli ena, Bushe iwe naumfwa ifintu ifingi ifyo balekushinina ukulola kuli iwe?

Kabiili ena tamwaswikemo ishiwi nangu limo; icakutila kafinala asungwike apakalamba.

Nomba pa mutebeto ka—kafinala...alefwaya alekeleko ku bantu umufungwa, untu bena balefwaya.

Kabiili bena balikwete u mufungwa umusuma, uwitwa Barabba.

Eico lintu bena balongene capamo, Pilato atile kuli bena, Ninani untu imwe mulefwaya ukuti Nkakule kuli imwe? Barabba, nangu Yesu uwitwa Kristu?

Pantu ena aishibe ukuti ni pa mulandu wa kalumwa ba muposele.

Kabili ena aikele pa cipuna ca bupingushi, umukashi wakwe atumine kuli ena, atile, Wicita . . . nangu cimo kuli uyu muntu umulungami: pantu Ine ncivilie ifintu ifingi muno bushiku mu ciloto pamulandu wakwe.

Lelo bashi mapepo mukalamba naba kalamba bapapatile icintu bwingi ukutila bena bafwile baipusha uku lekelako Barabba, nokwipaya Yesu.

Kafinala aaswike nokutila kuli bena, Ninani pali aba babili mulefwaya Ine ukuti mikakuile imwe? (tontonkanyeni pali ico!) Bena batile Barabba.

Pilato atile kuli bena, Cinshi ico Ine nalacita nomba na Yesu uyo uwitwa Kristu? Cinshi ico Ine nalacita nomba na Yesu uyo uwitwa Kristu? Kabili bena bonse batile kuli ena, Lekeni ena atanikwe.

Kabili kafinala atile, . . . cibi nshi acitile? Lelo bena balibilikisha ukucila, abati, Natanikwe.

Nomba Pilato amwene ukuti ena tekuti aleshe nangu cimo, lelo ukucila icongo cikalamba cali citike, ena abulile amenshi, nokusamba amaboko yakwe ku cinso ca cinkupiti, atile, Ine ndi wakaele pa mulopa wa uyu muntu umulungami: imwe mumone kuli ico.

Nomba abantu bonse baaswike, nokutila, umulopa Wakwe ube pali ifwe, kabili napa bana besu.

Elyo abakawilile Barabba: lelo lintu amufopawile Yesu, amuposele ku kutanikwa.

⁴⁰ We cikope cabulanda we! Ine ndeita umutwe ngefi, nga cakutila imwe mulefwaya ukulemba wena muli iyo nshila, nangu ukuwita wena ifyo. Kabili limbi tepu kuti yafwaikwa ukwitwa ifi ukuti: *Cinshi Nalacita Na Yesu Uwitwa Kristu?* Kabili ne sambililo Ndefwaya ukubomfyा, panuma yaico ukuba isambililo, Ndefwaya ukubomfyा isambililo, “Na Yesu Mupepi Na Iwe.” “Na Yesu Mupepi Na Iwe, Cinshi Ico Iwe Walacita?”

⁴¹ Icilecitwa cesu ciletampila, muno lucelo, mu cikulwa ca bupingushi, umo Pilato, kafinala, aitilwe pa ncende, uku-ukubombela kabili—kabili nokupanga ubupingushi. Cena cali ulucelo celo nganshi mu lucelo iyo akasuba takalafuma, kabili ena apumfyanishiwe mutulo twakwe, kabili—kabili aitilwe mukumfwa u—umulandu wakwa uyu Muntu.

⁴² Yena yali ni nshita yakutanika Shikulu kabili Umupusushi, Yesu Kristu. Ena ta—Ena tacitile icintu nangu cimo, ngefyo bena bali nokusanga muli Ena, kabili Ena alya—Ena alyaswike ifintu fyonsé. Yena yalifye ninshita iyo cena cali nokucitika muli iyo nshila.

Takuli nangu cimo icinga citika ukwabula icintu cimo ukuba kunuma yaciko ukucilenga cena ukuba muli iyo nshila. Pafwile pabapo umulandu umo pali conse ico icilecitika. Pantu cena cile—cena cilemishiwa, ifyo fine, no—no mupashi uwaba mu bantu, kabilis mu bantu nse, nefili ngefyo. Kulaba icakwimininapo ica ico, kabilis ica—kabilis icilefwaikwa, kabilis pafwile paba umulandu.

Kabili cena, umulandu ici cali nokucitikila kuli uyu Muntu uwakulisha uyo uwatalile ukwikala pe sonde, nangu uyo uwali nokwikala no mweo; umulandu cena cacitikile muli iyi nshila, pantu yena yali ninshita ya cena ukucitika. Mwamona? Cena cilingile ukuba filya, kabilis takwali inshila yakucibutukilamo. Cena—cena calingile ukuba ilya nshita.

Kabili Yesu aishile pe sonde bwino bwino fye mu nshila iyo i Cebo cakwa Lesa casobelemo Ena ukwihilamo. Ena acitile bwino bwino fye ifyo i Cebo calandile Ena ukucita. Ena aikele ubwikashi, bwino bwino fye, kabilis Lesa alengele cishibikwe, nangu ukusokoloka, u Lubuto lwailoya nshita. Nomba ibukisheni, Lesa...

⁴³ Baibele Yatampila Mukutendeka nokuya ku Kusokolola. Nomba pano epali isambililo ilyo Nde—Ndefwaya imwe uku kutuluka, ukuti... Mwamona, muli cila nkulo cena calilandwa, muli Baibele, palwa cintu cimo ico icili nokucitika ukupita mu nkulo yonse.

Kwati ni Daniele amwene uku... apilibwile iciloto cakwa Nebuchadnezzar; ifyo ubufumu ubwa bena Fyalo bukesa ingilamo, kabilis nefyo bena bali nokupita, kabilis nefyo bena bali nokufuma. Kabili na cila bambo abantu muli isho imitundu namuli ifyo ifyalo, nayalya amaka ya bena Fyalo ayatungulula, yena yali tungulula isonde, yena yacitafye bwino bwino fye munshila umo icimonwa na bena cili nokuba.

⁴⁴ Lintu Nebuchadnezzar, umutwe wa golide, wasendelwe, nomba ba Medes-o-Persias baishile ingilamo; kabilis ne cifyalilwa cabos, umwabela imi-imibele yafya kubomfyas, kabilis umwabela ico kasesema alandile, cali bwino bwino fye. Nebuchadnezzar, umutwe wa golide, uyo uwaba umukalamba nganshi kabilis uwakubalilapo mu Bufumu. Nomba Medes-o-Persia ukuba silfere. Kabili nomba ukutentemukila mumatanta, ukuba aya—aya mukuba. Kabili nacila icela calekoselako noku kosa; na golide ukuba iya nakisha. Kabili caisa pelela mucela, ico icaba icakoseshapo nganshi pali fyonsye ifyo, cena cela.

Nomba, cila bummo ubufumu bwaishile fikafye bwino bwino, kucifyalilwa, munshila ilya ine kasesema alandile ukuti bena bali nokucita. Kabili cintu nshi ico ena alecita? Ena alebyala ulubuto pakuti i fyalo fingamona, kabili na cila nshita ilya lintu bulya ubufumu bwaleletwapo, bwena bwali nokucita umwabela ico i Cebo calanda.

⁴⁵ Kibili nomba Messiya ali nokwisa ukwisa moneka. Kibili lintu Kristu aisa nokubapo, Ena ali nokwasuka ku Fyebo fyakwa Lesa ifyo ifyali nokufikilishiwa, ifyo kasesema alandilepo, ifyo efyo Ena ali nokucita.

Mose atile, “Ena ali nokuba ka—Ena ali nokuba Kasesema uwupalana na ine.” Kibili nga cakutila mwakwete... twakwete nshita iyakupashanya cilya kunuma no kulangisha fye ifyo cilya muli iya nshita iyacilamo iikalamba, lintu Israeli ali mubusha mu Egypyo, umo ulya Mose afyelwe uwaku sungusha, umwana uwaibela; kibili nefyo ena—ena aishile, kibili ifyo akushiwa, kibili nefyo ena afishilwe mufisangala; kibili nefyo ena aishileba intungulushi, aile mu mpili nokupoka amalango, kibili nefyo aikile ukubwela. Kibili ena tali fye intungulushi; lelo ali ni shimapepo, kibili imfumu, kibili kafinala. Ifyo ifintu fyonse, kibili nefyo fyena fyapashenye Kristu bwino bwino fye. Kibili Mose atile, “Shikulu Lesa wenu Ali nokwimya Kasesema uwaba nga ine.” Mwamona?

⁴⁶ Nomba, lintu Kristu afyelwe, Israeli kibili ali mubusha Kubuteko bwaci Roma. Kibili Ali cinshi? Afyelwe u Mwana uwaibela, kibili uwaku sungusha, ifyo Ena bamukushishe. Ifyo Ena aile mumpili, kibili nokwisa ikila nokutila, “Imwe mwalyumfwa bema balanda ukuti, bema abamunshita yakale batile, ‘Iwe wilaiwa.’ Imwe mwalyumfwa bema batile, ‘Iwe taufwile ukucita ubucende,’ lelo Ndetila, uyo onse uwalolesha pa mwanakashi ukukwata ulunkumbwa pali ena, ena nacita ubucende nankwe kale.” Kapela Wa Malango, mwamona, kibili i Mfumu, Shimapepo, Kasesema, ukubafye bwino bwino kwati ni ena. Eico fyonse ifi fintu fyali nokufikilishiwa, kibili lintu ilya inshita yali palya pa mweo wakwa Messiya, lintu cilya cali icashininkishiwa mukupwililika.

Nomba, ili limbi lyalaba isambililo ilitali ilya kushalikisha ilyo Nalafundisha pansiita. Ndefwaya imwe mumfwikishe cena nomba.

⁴⁷ Lintu i Cebo calandwa kuli iyi nkulo imo iyaibela, kuli nokubako umuntu umo uyo uuli nokwima ukwisabapo uyo uuli nokufikilisha cilya i Cebo, pantu Lesa nalandi Ico. Cena cakushininkisha i Cebo icalandwa. Kibili na Yesu alikwanishe conse iclekabilwa, kibili ali i Cebo, uwashininkishiwa nga Messiya, bwino bwino fye. Kwaliba pamo Ifyebo, ifyalandwa muli Baibele, ifya mubushiku bwa kulekelesha. Ifyo IFyebo fifwile fyaisaba ifya mweo.

⁴⁸ Kibili ifwe tulesanga pano ukuti, lintu mu nshiku ishakwa Shikulu wesu, ichalichi kale kale calimukene Ena ilyo talati Ena ese mucikulwa cabupingushi icakwa Pilato. Bena bali mukene Ena, ukufuma fye bulya bwine ubushiku ilyo ubupyungishi Bwakwe bwatampile ukusesema kibili nokulabeba bema Icine palwa Cebo. Nomba, bema bafililwe uku kutuluka ico, ifyo Ena,

pakuba u Muntu, kuti aishiba cilya icali mu mitima ya bantu. Tabaishibepo nangu cimo bena, ukuti, i Cebo ni Lesa! “Kabili i Cebo,” Baibele yatila, “cena nicikalingulula ca matontonkanyo nefya mu mitima.”⁴⁹

⁴⁹ Kabili bena balefwaya ukumwita Ena umupashi uwakowela. Atile, “Ine nalameyeleta pali ico. Lelo lintu Mupashi wa Mushilo ali nokwisa nokucita icintu cimo cine, ukumulandila ishiwi iyabipa Cena tacakatale acelelwa.”

Kabili na fyonsse ifi fintu ifyo Aseseme ukuba muli buno ubushiku, icintu cimo cifwile caleta ico ku mweo. Lelo lintu Cena caletwa ku mweo, Cena cili nokuba icapusananako apakalamba ukucila ifyo abantu batontonkanya Cena ukuba, mpaka cena cili—cena cili nokubafye balya Abasalwa ukumona Cena. Lyonse, Abasalwa fye ebali nokucimona Cena, pantu Cena caba abasalwa kabili abalashikwa ukumona Ico. Eico, cena takuli, inshila imbi.

⁵⁰ Yesu atile, “Teti iwe wise kuli Ine. Takuli umuntu uwingesa kano Taata Wandi ena amwita; kabili na bonse abo Ena Ampela bali nokwisa kuli Ine.” Mwamona? Mwamona? Eico takuli inshila imbi. Atile, “Mwalikwata amenso kabili tamumona; amatwi, imwe tamumfwa.” Atile, “Ukuba bushe Esaya asesemene imwe.” Mwamona? Ubusesemo bwakwa Esaya bwaimine, nokuba ubwasokololwa.

Tamufwile ukulaba ico, pano nangu mwebaleumfwa kuli tepu, ukutila i Cebo cakwa Lesa cifwile ukusokoloka. Lesa ali uwashingamwa ukumoa ukutila Cena cacita ico.

⁵¹ Pamofye nga fintu Yohane Kabatisha alashikilwe kabela uku tangilila ukwisa kwa kwa Kristu, kufwile kwaba umuntu umo ukwima nokubula ico icifulo. Ico i Cebo cifwile cafikilishiwa.

⁵² Nomba lintu Yesu aisa nga Messiya uwasubwa, kabili nokucitafye bwino bwino ifyo i Cebo cakwa Lesa calanda Ena ukucita; kabili cibe aba Yuda balelolesha ku cintu cimbi, “i Mfumu ukwisa ne nkonto ya cela mu kuboko Kwakwe,” ico icalesontelela kuntansi. Lelo Ena afikilishe i Cebo conse.

Kulya ubushiku bumo mu Capernahum, lintu Abulile Amalembو nokubelenga, (bushe mwacimona?) Ena abelengelefye ulubali ulwe Lembo lilya. Kabili nomba Abikile i Buuku pansi, nokutila, “Ileelo ili ici nacifikilishiwa.”

⁵³ Lintu Ena aleshimikila umwaka wa kusefya, nomba, mulandu nshi Ena tabelengele lyonse ilya sheleko ilya Ico? Pantu Cena ciminine ku Kwisa Kwakwe kumbi. Bena tabakwete icakukabila icakwishiba ico. Ico cankulo icakuti lintu Ena akesamo.

Lelo inkulo ilya intu Alimo, uyo wine emulandu Alandile ukutila, “Ili Ileombo nalifikilishiwa ileelo mu meno yenu. Pano pene imwe mwamona Ico. ‘Icakushimikila inshita iyapokelelwa,

kabili nokumenda abamitima yatobaika, nokundapa abalwele.”” Ico eco Ena akonka.

Icashalako ica Ico cali—cali icakuleta ubupingushi kubena Fyalo, nefyaba ngefyo, eico ico ecalakonkapo ukwisa. Mwamona, abena Fyalo bena balimukene Ena, mukubalilapo.

⁵⁴ Nomba, palya pa kumutanika, apo ifwe tuli ileelo pesambililo, ilya, “Yesu uuli mupepi.” I Cebo cakwa Lesa calishininkishiwea bwino bwino, calishininkishiwa inshi ne nshita, ukutila Ena ewali ubwasuko ku Cebo cakwa Lesa. Apo balya bakalemba . . .

⁵⁵ Mwamona, Lesa kale kale alicibika Cena. Lekeni ubupyungishi bubelenge Ico. Lelo, mwamona, bena babula icebo ca muntu umbi palwa Ico; ibumba lya bantu. Bena baliba impofu apakalamba ku Cine, ukuti, lintu Icine capelwa, bena balafilwa ukumona Ico. Lelo, mwamona, Lesa mulungami, Ena alilemba Ico kulya. Ena alilemba ico, muno mwine mwi Buuku, ico icili nokucitika ileelo, eico Cena cili nokufikilishiwa. Lelo bambi abo abashalashikwa ukumona Cena, bena tabakatale abamona Ico, mwamona, bena—bena bakwata Cena icasakanishiwa.

⁵⁶ Kibili iyo ine e nshila bena bakwatilemo Ico lilya. Bena tabatalile abeshiba ukutila Cali ni Ena. Kibili ku fishibili icakutila Ena ali ni Nkombe iya ilya nshita, tapali nangu umo uwali nokukana ico. Kasesema wakwe alandile palwa ico; atile, “Ine, Mfwile nacepa, lelo Ena ali nokukula. Nshili uwafikapo ukukakula intambo sha nsapato Shakwe, lelo Ena naiminina pakati kenu nomba,” efyo Yohane alandile. “Kibili Ali nokwisa. Kibili nesembe nalibikwa pamushila wacimuti; kibili ne fimuti ifyo ifishitwala ifisabo fili noku fumishiwa mu mpanga, ukuti, nangu ukufumya mwi—mwibala lya myangashi, nangu mu—nangu mu mwibala lya fimuti. Fyena tafyakabepo mulya nakabili.”

⁵⁷ Nomba, ifwe twasanga ukutila filya ifintu fyacitike bwino bwino fye munshila ilya Alandilemo. Ena alelingulula amatontonkanyo yabo mu mitima yabo. Ena ali ni Kasesema. Ifintu fyonse ifyo Asobebe, fyena fyacitike bwino bwino fye munshila Alandilemo fyena.

“Ndeya ku Yerusalem. Kulya Ndi nokuposwa mumaboko aya bantu ababembu. Kibili bena bakamucita ulucu Ena, kibili Ena ali nokutanikwa. Kibili mubushiku ubwalenga shitatu Ali nokwima nakabili.” Lelo atile, “Mumone ukuti imwe tamwebele umuntu nangu umo pali ici.” Kibili Acilengele Cena ukuba ubupofu ukufuma kuli bena, ukutila bena tabakutulwike Ico mpaka Ico cafikilishiwa.

⁵⁸ Mwamona, imiku iingi Ena atulenga ukuba ifwe ukuba impofu mpaka ne nshita iyo ifwe twakwata icakukabila ica Ico. Ena atulenga ifwe ukuba impofu ku fintu ifyo tumona ileelo, pantu ino ine e nshita ifwe tukwete ukukabila kwa

Ico, ukushininkisha ubushiku ubo ifwe tulimo. Mwamona? Ba taata besu tabaishiba ifi fintu. Baibele Yalandia ukutila bena tekuti bafishibe fyena. Ena alififa kuli bena, kabili mu—mu nshiku shakulekelesha Fyena fili nokusokololwa ku bana bakwa Lesa; nangu, ukupanga, fyena fili nokusokololwa, ukulangisha ubukata Bwakwe kabili nefya kulumbanya Fyakwe pe sonde.

⁵⁹ Kibili na fyonse ifyo Daniele alandile palwa nshiku shakulekelesha, kabili ifyo ifyo, “Bena balya abaishiba Lessa wabo bali nokucita ifikalamba ifyacilapo.” Kibili kulifye Amalembo ayengi ayalekakanya muli buno ubushiku ubo ifwe tuleikalamo! Ifyo ukutila ifi ifyabipa, inshita shakubepa shili nokuba pe sonde! Kibili ico cili bwino bwino fye pali ico ifwe tukwete nomba icilefikilisha Ico.

Bena—bena baliba—bena bali abapelwa inshita iyakumona Ena, kabili, lelo bena bakene Messiya wabo ulya wine.

Kibili ileelo cena cintu cimo cine, cilya cine icintu cimo cine. Ifwe twalipelwa inshita, pantu Lessa tekuti abalilepo ukupingula ukwabula mukubalilapo ukukwata... ukuba abalungamikwa pa bupingushi Bwakwe.

Nomba, nga cakutila iwe waebele u—u muntu umo uuleya pamusebo, alebutukisha; iwe kuti wabeminika bena, watila, “Kuli ici—icilindi mu musebo kulya kuntanshi. Nga watwalililapo nokubutuka uko, iwe ulefwa.”

⁶⁰ Kibili bena batila, “Ifyabulamo amano, Ine ninjishiba ifyo Ndecita.” Nomba, mwamona, umulopa tekuti ube pali iwe, pantu iwe bwino bwino naubasoka bena.

Ukuba, Lessa acita icintu cimo cine mu Cebo Cakwe. Ena alasoka bwino bwino abantu pabupingushi ubuleisa, kabili nokulangisha ifishibilo Fyakwe ne fisungusho ifyo ifyasobelwa muli Baibele kuli ilya nkulo. Ena alabalangisha bena, kabili na bantu bena bacipulula ukupita pali Ico.

Cena tacaba icaanguka u muntu ukuya kumbo. Umuntu alalwisha mu nshila yakuya ku mbo. Ubuji ubwakubalilapo ubo iwe watala ukulandapo, iwe nawishiba cena cali cilubo. Umushanga wakubalilapo untu watalile ukupepapo, iwe walishibe cena cali cilubo. Ububi bwakubalilapo ubo iwe wacitile, walishibe ukutila cena cali cilubo. Lelo muli kampingu obe, akwebele ukutila ico cena cilubo, lelo iwe watwalililepofye ukubutuka ukupita mulubuuto lwakashika, wapitile pafyakucinga. Iwe wali ilekelesha. Iwe ulefwaya ukucita ico, nangu cibe ifyo, cilelangisha iwe ukuba umuntu umo umukalamba. Mwamona? Lelo, ibukisheni, iwe ulalwisha mu nshila yobe iyakuya kumbo. Tacaba ica anguka ukuya ku mbo. Iwe mukubalilapo ufwire wakana Icine.

⁶¹ Ilyo taulati ukwate icisasa, iwe ufwire wapita palubuuto lwakashika. Ilyo taulati ukwate icisasa, iwe ufwire ukuba, pansi palya pamusebo, iwe naukwata ifya—ifyakusokwa

ifyabikwa palya. Lelo, iwe, iwe naukwata inshila yobe palwa ico, umuntu ena ileelo. Kibili ena naishibisha ukucilapo pa muntu onse umbi, kibili ena tali nokumfwa ku—kufishibilo nefyakusoka pa Bupingushi ubo ubuleisa, na bonse abo abakana Kristu.

⁶² Nomba moneni, kibili ico bena bapokelele mucifulo cakwa uyu Kristu. Nomba tontonkanyeni pa chalichi ca buno bushiku, ubupofu bwabo. Bena balikene kepaya wapalwalwala, Barabba. Umuntu uyo uwashininkishiwe ukuba kepaya, kibili ena icine cine alelolela ubupingushi bwakwe. Kibili ena—ena ukuba uwashininkishiwa ukuba ke—kepaya, kibili ali umuntu umubi. Kibili pamulandu wakutifye—wakuti u Mweo wakwa Yesu . . .

Uyo, Ena—Ena abecenye na bena. Atile, “Ninani umo pali imwe uwinga Nshinina pa lubembu?” *Ulubembu* ku “kana cetekela.” “Nga cakutila Ine nshicitile imilimo yakwa Taata Wand, nomba ninshi mwincetekela Ine, nga cakutila Nshimyebele imwe Icine ica mu Malembo, kibili na Malembo yanandilako Ine, Yena palwayako. Fwayeni mu Malembo,” Ena atile, “muli Yena imwe mutontonkanya ukutila imwe namukwata u Mweo wa Muyayaya, kibili Yena e Yamo ayo ayapela ubunte pali Ine muli ino nkulo.”

⁶³ Lelo bena batile, “Ena aleipanga Umwine palwakwe ukuba Lesa. Ena aleipanga pa Lwakwe ukuba icintu cimo.” Ena tapangile nangu cimo . . . Lesa amupangile Ena Lesa; Ali ni Lesa. Ewali kafikilisha uwa Malembo. Ena tatalile aipanga Umwine palwakwe icintu icili conse. Lesa ewapangile Ena ico Ena ali. Kibili, nomba, cena pamulandu wakutila yali ninshita iya cilya i Cebo ukufikilishiwa. Eico, lelo bena tabacimwene Ico, pantu Cena calelwisha amano yabo aya mufilonganino, ico bena bakulile palwa kwa Kristu. Kibili cena cali icakupofwisha apakalamba ukufuma mu Cebo.

⁶⁴ Nomba, kibili kulubali lwaico, pakufumyapo uyu Muntu, bena bapokelele kepaya, ubonaushi bwapa lwalala, cena cali ninkongole ku bantu, inkongole kuli bena, kepaya, ena apokelele ico, pantu, uku—ukukana Kristu.

Kibili ilyo umwaume nangu umo nangu umwanakashi talapokelela icilubo, bena bafwile bakana icalungama. Palibako icintu cimo palwa bubumbo, kwaliba amalango kuli cena, ukutila iwe ufwile ukunana icintu icalungama ilyo iwe taulapokelela icintu calubana.

Nga fintu Ine na ambulafye nomba, uku—ukusunga iwe ukufuma kubufi . . . Iwe—iwe walandile ubufi ukulwisha ubupingushi bobo ubusuma. Iwe walandile ubufi ukulwisha kampungu obe. Iwe walandile ubufi ukulwisha ico ba mayo bobo nangu ico abafyashi bakufundishe iwe ukucita. Nangu, bubumbofyne palwabuko bufundisha iwe ukutila taufwile iwe ukucita ico. Eico, eico, iwe, pakukana Icine, ufwile wapokelela

u—ubufi, kibili iwe ufwile wakana Icine ilyo iwe taulapokelela ubufi. Mwamona?

⁶⁵ Pakutila inshila iyo aba bantu bacitilemo, bena nabakana Icine. Kibili Ena e Cine. “Nine Nshila, Icine, kibili u Mweo.”

“Ku kutendeka kwali Cebo, kibili Cebo ali pamo na Lesa, kibili Cebo ali ni Lesa. Kibili i Cebo calengelwe umubili kibili casokolweke kuli ifwe.” Muli Timote Wacimo 3:16, “Ukwabula ukupasha, cikalamba icankama cabulesa, pantu Lesa alangilwe mu mibili, twamwikete namaboko yesu.” Lesa, Yeovah! Cena—cena cakupapusha, cena cakusungusha, ukutontonkanya ukuti Lesa Uwa bika ifya—ifya mibombele yakasuba mulwelele, ulya uwapangile intanda isho ishaba imiku amakana ukukula ukucila lino isonde . . .

⁶⁶ Kibili nga lumo pali ishi intanda Iwatampa ukuya pe sonde, pali ba mailoshi amakana ikumi pali ora umo, mulandu nshi, cena kuti cacifico ama millioni imyanda ya myaka ukufika pano; cena caba apatali nganshi. Kibili ne ntanda shibili ishinono ishikele shilemoneka kwati, ni inchi imo pakati, ukufuma pano, shena shalipatukana apatali nganshi ukucila ifyo ifwe twaba ukufuma kuli shena. Kibili, cibe, tapali nangu umo pakati kesu lelo icikatilila incende yaciko. Kibili ukuti icipinda bushiku cikalamba, oh, owe, ubwingi nobukalamba ubwakwa Lesa Uwinga panga ifyo ifintu! Cila cimo cifwile caikatilila icinankwe cimo. Uyo wine emulandu cena caikalila munshila cena cabelamo. Nga cakutila bena bafuma umo balepela ifyakulya nefyakunwa, imibombele yonse ili nokufilwa.

⁶⁷ Cilya e cacitike mu Edeni. Lintu Efa afumine umwali ifyakulya nefyakunwa pamo namafunde ayakwa Lesa, umutundu onse waliponene.

Ico ecaba ubwafya ileelo. Ifwe tatufwile ukuba abatobaulwa mutubungwe namuflonganino, nefyaba ngefyo. Ifwe tufwile ukuba abana abaume nabana banakashu abakwa Lesa, ukwikatilila icipinda bushiku cikalamba ice sonde capamo.

⁶⁸ New York, umulungu wafumineko, Nalekutika ku mbila iya ambwilwe, nangu iyalandilwe na Einstein, scientisti mukalamba, cilya—cilya icitwa bongo bongo uw—uwa nshita. Kibili Nali . . . naumfwile ico. Nomba Naile mu kumfwa Norman Vincent Peale, pafya kwishiba amano pafyo abantu bafwile ukucita, nangu ukwenda, nokuibika abene mufyakusambilila ukwishiba amano.

Nomba, pali Einstein, ena alelanda pacipinda bushiku ico icafumine pakati kamibombele mulya, ukufuma mu ntanda. Kibili nga cakutila umuntu kuti aendela pali kulya ukubutuka, Nincetekela ena alandile, pafya lubuuto, . . . Nomba, Ndetontonkanya, cinshi ico, . . . amakana amakumi cine konse konse namutanda? [Munyina Neville atila, “Umwanda na makumi cine konse konse na mutanda.”—Kale.] Umwanda,

umwanda na makumi cine konse konse na mutanda amakana yaba mailoshi pali sekondi, apo ulubuuto lwendela. Kabili nomba putauleni ico muli ba mineti basano, ma millioni yanga nama billioni yanga aya ma mailoshi ayengaba. Kabili u—umwanda na makumi yabili ama millioni ya myaka aya nshita yalubuuto yena kuti cakusendela iwe ukufika kucipinda bushiku. Kabili nomba umwanda umo namakumi yabili nangu umwanda umo namakumi yasano ama millioni ya myaka; umwanda umo na makumi yasano ama millioni ukuya kuntashi, kabili umwanda umo namakumi yasano ukubwelela kunuma.

⁶⁹ Kabili bena baumine mucintu cimo ico icabapunwishe bema. Kabili bena, panuma yakuya kulya kabili nokubwela, cena kuti iwe cakusendela ama millioni imyanda itatu iya myaka ukupanga ubulendo, ama millioni imyanda itatu iya myaka. Imyaka imyanda itatu iyama millioni ukupanga ubulendo, kabili, lintu iwe waisa bwelela pe sonde, ninsi iwe mucituntulu wailefye pa myaka amakumi yasano. Iwe nga waingila mu Muyayaya. Takwaba impela kuli Ico.

⁷⁰ Kabili ukutontonkanya, ukutila, Lesa Uyo wapangile fyonse filya no kufibika mubantiko, no kulanda pali cena, aishile panshi kabili alengelwe umubili pakati kesu, ukutulubula. Kabili ena kuti atucindika ifwe no Kubapo Kwakwe ukwa katama, ukuti Ena—Ena kuti aiminina pano pe sonde ilya lubembu mu nshiku shakulekelesha, no kushininkisha i Cebo Cakwe ukuba ifyo fine, pantu Ena ali uwashingamwa kuli cilya Cebo. Amen. Ukuiteka no bupingushi ubwa ulya Umo umukalamba Uyo uwaikatilila filya fintu mukuboko Kwakwe!

⁷¹ Moneni, ifyalo. I cha—i chalichi cakene i Cebo Cakwe icapelwe, mukubalilapo. Nomba, panuma ichalichi cakene Cena, noku Mwitia “Beelzebubu, nangu umupashi wa kowela,” nomba Cena caletelwe ku buteko, pakutila umutundu onse wali nokusekwa. Nomba ifwe twasanga Yesu, muno lucelo, ku cinsu cakwa—cakwa kafinala, Pilato, umwina Roma, ku kweshiwa. Kabili ifwe twasanga ukutila ichalichi calimukene Ena, mukubalipo, pantu icakutila bema tabacetekele i Mbila Yakwe, pantu bema tabaishibe i Cebo.

⁷² Yesu abebele bema, “Nga cakutila imwe mwalikwete—nga mwalyumfwile Mose, imwe nga mwacetekele i Cebo Candi, pantu ena e umo uyo uwalandile pali Ine.” Mwamona? Palya pali i Cebo ico kasesema... Icili, shi—shi Shikulu esa kuli kasesema, kabili kasesema alandile i Cebo ica nshita ili nokwisa. Kabili pano Cena calishibikwe, nokulandwa, “Mulesosa ukutila mwaliishiba Mose kabili ena ni katungulula wenu. Imwe tamwamwishiha Mose, nangula imwe tamwaishiba i Cebo cakwe.” Mu mashiwi yambi, Ena atiile, “Nine Cebo. Nine i Cebo icaishibikwa cilya Mose alandile ukutila cili nokwisa, kabili naimwe mwansusha Ine.” Mwamona? Pa mulandu wa ntambi shabo, mwamona, ichalichi camusushishe Ena.

⁷³ Nomba, twamusanga Ena kucinso cakwa Pilato, kibili uwashininkishiwa bwino bwino, pamo, uwaishibikwa ku nshita nangu ku chalichi, ku nkcombe yapali ilya nshita. Bena balipelwe inshita iyakumona no kucetekela, lelo bakene Yena. Mulandu nshi bakanine Yena? Abengi muli bena balefwaya ukucetekela Cilya; lelo intambi shabo, te bantu, lelo intambi shabo!

⁷⁴ Nomba, mwamona, kwati Nikodemas aishile munshita yabushiku, kibili atile, "Shikulu, ifwe twalishiba ukutila Imwe muli Kafundisha uwafuma kuli Lesa. Ifwe twalishiba ukutila Imwe mwafuma kuli Lesa. Takuli umuntu uwinga cita ifi fintu ifyo Imwe mucita kano Lesa aba Nankwe. Ifwe . . ." Ninani "ba ifwe" abo ena alelandapo? i Chalichi, aba Faliseo, intungulushi shamuli bulya ubushiku. "Twalishiba. Ifwe twalishininwa bwino bwino ukuti Niwe ulya wine Muntu." Mulandu nshi bena tabacitile ico? Pantu, imibombele yabo. Ndefwaya ico cingile mukushika icine cine, pantu ico eco Ndeisako. Mwamona? Imibombele intu bena bakwete kale ya ampenye abene palwabo ukuba, ali umo untu bena bafililwe ukusesha. Nangula bena bamwene ukuti Ulya ali ni Messiya, lelo imibombele intu bena ba ampanishiweko tayabasuminishe bena ukupokelela Ico.

Bushe imwe—imwe namukutuluka? Nomba Ndefwaya ukwipusha, kuli lino ibumba ili lipo, nibanga abakutulwike paco Ine ndelandapo? Imyeni amaboko yenu. Nacilungama.

⁷⁵ Nomba, imibombele! Bena bacetekele Yena, kibili bena balishibe Ifyo cali. Ifyo Ningafwaya ukulanda ico icintu cimo cine ileelo! Ifwe natumona ico icifwile ukuba pano ileelo, kibili ifwe tulemona Ico, lelo imibombele tekuti ileke bena ukupokelela Ico. Bena baba abaingililwa nemibombele! Mwamona, cena te muntu, cena mibombele.

Nga fintu Ine nandile pali uyo Kateka untu baipeyefye ne mfuti. Te muntu; nga fintu Ine njishibe, ena muntu umusuma, ukulingana ngefyo ena tacitapo icintu nangu cimo icabipa nga fintu Naishiba. Lelo cena mibombele. Cena tacili bantu; cena mibombele.

⁷⁶ Cena tacali ba Yuda; cali mibombele yabo. Ilya mibombele yali musushishe Ena, pantu Cena tacasuminisheko ku mibombele yabo. Bushe imwe namukutuluka? Nomba, ifintu fimo fine efilecitika nomba. Kabili bena basalile uyu mulwani wa bantu, kepaya.

Lelo umulandu nomba wali kumako nobuteko. Eico ubuteko bulingile ukulanda ubu ubupingushi, pantu, pantu ukwipaya umweo, cena cifwile caisa ku buteko. Bena tabasuminishiwe ukucita ico, pantu bena bali pesamba lya—lya butungulushi bwa ci Roma, kabili bena teti bepaye umweo temulandu nefyo ichalichi cabu cingalanda, "Ifwe tufwile ukucita ico." Mulandu nshi, bena—benabafililwe ukucita ico ukwabula, mukubalilapo,

Roma ukupela bena ifyakulesha kuli ico. Eico, cena cali nokuletwa ku buteko. Nomba ubuteko ebwaingilamo mu cintu.

Nomba, ngacakuti ico tacili ecikope ca lelo, Nshilemonapo ifyo cili. Mwamona, cena bwino bwino fye!

⁷⁷ Ichalichi calikene Cena, nomba buteko ebwabamo. Inshita yalifikile apo icalo, conse, konse, caishile. Umulandu wapangile. Ukwilangisha kwalipo. Icalo conse calimukene Ena, kabilis ekuleta kwabukali bwakwa Lesa pali bena. Kibili ilyo u... Nangufye ichalichi cali mukene Ena, ico naco cali nokuleta ubukali pa chalichili. Lelo nomba icalo cali mukene Ena, ekuleta ubukali pali bonse.

Kibili, ileelo, isonde lyali mukana Ena, ekuleta ubupingushi pe sonde Lyonse. Ifyalo fyonse fifwile fyapingulwa.

⁷⁸ Kibili ifwe twalishiba ukuti cilya cacitike mu nshita ya mukalamba wa bulwi wa Roma mukalamba, Tito. Ena ashingulwike Yelusalema, kibili nomba mukulekeleshafye... Bena balile abana bacila umo nomunankwe; ukulya ulushishi lwacimuti, nefyani ifya pa mushili. Kibili—kibili nomba Tito aesenshe ukuya mukati kibili nokulepulafye ukuponya ifibumba panshi nokoca umusumba, kibili no mulopa wakunkulwike ukuya—ukuya mu misebo kwati ngefyo, umo ena abepaile mulya.

Kibili cena cali nokuba. Ilyo Lesa umulungami kuti aleka abantu, balya Ena asalile, ukwisa pita mwisamba lya cintu icaba nga cilya, palya—palya pafwile paba umulandu uwalungama. Ena mulungami. Amafunde Yakwe—Yakwe yafwaya ubupingushi ubwalungama. Kibili amafunde ayabula ukukanda temafunde iyo.

⁷⁹ Nga cakuti Nalanda ukuti, pangeni amafunde muno musumba, “Cena ci—ci—cisuma ukupisha ulubuuto lwa kashika,” kibili nomba tapali ukukanda pali cena, imwe mufwilefye ukutwalilila ukupisha ulubuuto lwakashika. Lelo pafwile paba ukukanda.

Kibili ukukanda pa mafunde yakwa Lesa, pakukana ubtantiko Bwakwe, kufwa. Kibili kufwile kwaba imfwa, pakutila kwaba ukulipila umutengo.

⁸⁰ Twaiminina mu kweshiwa kumo kwine muno lucelo, isonde Lyonse, ukweshiwa. Ifilonganino fyonse fyalikana i Cebo. Ninjishiba ici caumfwika icabipa nganshi. Kibili Ndefwaya bakapyunga bonse abalekutika, abali pano na abo bonse pali tepu, pamo, beshe ukutuluka ici nomba, ico Nalaesha ukubikila pambilibili. Lelo Ninjikata icikomo candi, nangu ukupanga icikomo pano, kibili ndelanda ukuti ifwe natwiminina, ileelo, mucikulwa icabupingushi icakwa Pilato cimbi.

⁸¹ Iwe watila, “Nga cakutila Ine naciminina palya, Ine nga nacilandilako Yesu Kristu.” Kibili, ukuba, cinshi ico ulecita

palwa ico nomba? Ico ecintu. Mwamona? "Temulandu nefyo ichalichi camukene Ena, Ine nga naiminine kulubali Lwakwe." Iwe naukwata inshita. Uh-huh. Mwamona? Bena—bena bali mukene Ena.

⁸² Nomba Ena naeshiwa, ileelo, nangu elyo fye aeshiwa, nangu, kabilo ali mukweshiwa, pakutila imibombele iya mwi sonde inga pangwa, pali ico icitwa, icisaka icama chalichi, uku—uku—ukupanga mu Cisaka ice Sonde ica chalichi. Nomba, kabilo cinshi ico bacita? Bena balisala ukutila bali mukupwililika ukwampana palwabo beka capamo nokukwata icisaka icama chalichi.

Kabilo muli ici i Cisaka icama Chalichi, ico ma chalichi yonse yafwile ukuba muli ici icisaka, nangu, nga cakutila bena bakana, iwe teti bakusuminishefyne nangu kushimikila, iwe teti mukwate nangu nikashimikila ukupepelako umulwele. Kabilo ichalichi cesu kuti bacibomfeshafye kucintu conse ico balefwaya ukuti bena bacibomfesheko. Nga cakutila bena balefwaya ukusungilamo ifibokoshi muli cena, nangu impolopolo, nangu conse ico bena balefwaya ukucita, iwe tawawkwata ukutungululapo pali cena nakalya. Iwe limbi kuti waba ku Cisaka cama Chalichi nangu taufwile ukubamo nakalya.

Kabilo iyo e mibombele iyo iilepangwa pano mu United States, ico icilefikilisha Amalembo, ukufika pacikomo. Cena cilefikilisha ico Shikulu alandile kuli ine mu 1933, mwamona, kabilo ifwe natwiminina pali ilya nshita muno lucelo.

Kabilo Yesu Kristu, i Cebo, aali mukweshiwa, ileelo, nga fintu cena cali pa kutanikwa, kabilo nomba Alifye mupepi naifwe. Ali mupepi naifwe mwi sonde. I Cebo calishibikwa bwino bwino ukushinguluka isonde, mwamona, kabilo Ena naiminina mubupingushi. Ifilonganino fyonge fyali Mukana. Kabilo nomba Ena aleeshiwa nga nci...mu Cisaka ica ma Chalichi, kabilo bena bamukana Ena nakabili nokusala ukucila nga fintu bena bacitile lilya.

⁸³ Mwamona, icifyalilwa mu lyashi lyakale cilaibwekeshapo icine, pantu icifyalilwa citwalilafye cimo cine. Ifimuti fyena fitwalilafye ikukula, kabilo nomusalu ulakula, na maluba, kabilo ne sonde lishinguluka nga fintu lyena lyaba lyonse. Cena cifyalilwa. Kabilo necifyalilwa ica muli cila nkulo ilatwala, nakabili, kabilo ukupanga ica—icakulangisha ica ci—ci—cifyalilwa cali ilyo bena tabalabako. Kabilo, ileelo, ifwe twasanga palwesu kabilo natwiminina pa ncende imo ine.

Nomba, Yesu ewali "e Cebo," Yohane Washila, chapitala 1. Bonse twacetekela Ico. Ena ewali i Cebo. Kabilo pantu Ena ewali i Cebo... Mukwai kutulukeni. Ewali i Cebo, kabilo Ena alisushishe imibombele.

Kabili bena taba—bena taba Mukene pa mulandu wa fisungusho Fyakwe. Bena tabamukene. Bena batile... Ena atile, “Ninani uwinga Mpela imilandu?”

“Kabili bubi nshi buntu Ena acitile?” efyo umulumendo munono alandile. “Bubi nshi buntu Ena acitile kundapa abalwele?”

⁸⁴ Batile, “Ifwe tatulemususha Ena pali ifi fintu.” Mwamona? “Ifwe tulemususha Ena pantu Ena, ukuba umuntu, aipanga umwine pa Lwakwe ukuba Lesa.” Kabili na Malembo yabo yalanda ukuti Ena afwile ukuba Lesa.

Muli Esaya, kasesema mukalamba uyo uwalembele ama Buuku amakumi mutanda na mutanda ayakwa Esaya, kabili atampilapo na...Ukutampa, kwati ku kutendeka; kabili napakati ke Buuku kwaishile Yohane Kabatisha; kabili apelekesheko na mubuteko bwa Myaka ikana limo. Kabili ama Buuku amakumi mutanda na mutanda muli Baibele, kwati kwaba ama chapitala amakumi mutanda na mutanda muli Esaya. Cena cakusungusha cena caba muli iyo ine nshila. Muli Esaya 9:6, atila, “Kuli ifwe u Mwana na fyalwa, kuli ifwe u Mwana napelwa; kabili i Shina Lyakwe liketwa, ‘Kapanda wa mano, Cilolo wa mutende, Lesa wa Maka yonse, Taata Uwanshita pe, Umusuma.’”

⁸⁵ Kabili intambi shabupofu, nangu imibombele, tayamwene ukuti Ulya ali ni Lesa; ukupitila muli kasesema wabo, ukutila untu i Cebo caishileko, ulya uwalandile ukuti Ena ali nokuba Lesa. Imibombele yabupofu! Eico bena bakene i Cebo, kabili nokukabila kepaya mucifulo, Barabba.

⁸⁶ Kabili, ileelo, i Cebo, ukubafye icamoneka bwino bwino ukuba icabuno bushiku, caliba ica shininkishiwa. Cena calipangwa ukuba icituntulu. Cena calilangishiwa ukuba Icine. “Kabili pa nshiku shakulekelesha,” nga fintu Yesu atile, “nga fintu cali munshiku sha Sodomu,” nefyaba ngeefyo, “eico efyo cena cikaba pakwisa kwa Mwana wa muntu.” Lesa Ulya wine, pa Lwakwe, uwali i Cebo, asobele inshita ya mpela kabili nefili nokucitika; kabili u Lubuuto ulwingi lukafuma munshita ya cungulo kasuba; kabili nefyo, Malaki 4, Ena ali nokutuma ifi fintu ukwisa nokufishininkisha.

⁸⁷ Kabili cena nciletwa pa ncende ya busalo, kabili nama chalichi nayakana Cena. Kabili cinshi ico ama chalichi yalekabila? Kepaya uwa Cebo, umo uyo uusendafye imibombele. Nga cakutila imibombele ili iyapusanako ku Cebo, nomba yena niyikepaya wa Cebo. Kabili bena bakabile ulutambi lwa cilonganino, mu cifulo ca Cebo ica cine ukuba icasokololwa kabili nokushininkisha ukutila Cena ni Lesa pakati ka bantu; ukupitila muli science, ukupitila mu fikope, u Lubuuto, Malaika umo wine uwakwa Shikulu, i Ntumba ya Mulilo.

Uyu Umo wine uwaishile nokwikala pe sonde mumbili wakwa Yesu Kristu, alisa pa bantu Bakwe mu nshiku isha kulekelesha, apo na science yakopa icikope ica Ico. I chalichi calimona cena imilimo Yaciko. Cena calishibikwa bwino bwino, muma tepu namuli fyonse ifintu, ukushinguluka nokushinguluka isonde, kibili na palwandi ukupyunga.

Kibili nangu cibe ifyo, muli conse ico, imibombele yabo ilekabila i Cisaka icama Chalichi ukususha Icine. Cilekabila kepaya uyo uwingesala fyonse, nangu ukulesha, nangu ukwisalila. Kibili, cena cili nokucita ico, bena bali nokulesha Icintu camusango ifyo. Kibili ne Cisaka cama Chalichi cikacita ico. Apo epalulembo lwaciswango; mukanya kristu, ukukanya i Cebo, ico icili ni Kristu. Lelo tefyabo ifi- . . .

⁸⁸ Bena batontonkanya ukutila cena lutambi. Bena batontonkanya ukutila ulutambi lwabo lwakwa Lesa. Mwamona? Lelo cena tacakeminine ne Cebo, kibili nangula Lesa ukucishininkisha cena ukuba icalungama. Yesu aimininne pamo ne Cebo, lelo tepamo ne cisaka cabو; lelo pamo ne Cebo. Kibili ne Cebo cashininkiske ukutila Ali ni Lesa.

Kibili Cena calishininkisha ileelo ukuti Cena ni Lesa, pantu Cena cikala u Mweo umo wine, Cena cicita icintu cimo cine pakati kesu ico Cena cacitile kunuma kulya, kibili casobelwe.

⁸⁹ Eico cinshi ico bena bacitile? Bena bapokelele icintu cimo ico . . . Bena balipokelela, kale, imibombele imo ine iyo iili nokutanika Ico. Kibili nokutanika ukwabula ukushita ukwa filonganino nefilonganino cili mupepi. Ico nacilungama.

⁹⁰ Nomba, ico tacile lwisha Amalembo. Cena cili pamo na Malembo. “Kibili bena nabapanga icipasho ca ciswango.” Ukuleta pamo isonde lya filonganino muli cimo i Cakuilishanya, ukupanga ululembo lwa ciswango, icipasho ca ciswango, umwabela u Kusokolola 13:8. “Kibili bena bapangile icipasho ca ciswango.”

I *ciswango* ni “Roma.” Ifwe bonse twalishiba ico. Lelo lyonse cena caba ni Roma, bonse . . . Kuti caba shani—kuti caba shani Russia, lintu Baibele itila Roma? Mwamona, abantu basungafye icilubo. Mwamona? Kuti caba shani icintu cimbi, lintu cena calisobelwa cena cifwile caisafye ni Roma?

⁹¹ Bweleleni kuli Daniele nakabili, kibili icela ne bumba ku makasa; icela tacapwile, ukufuma pamakufi ukufika ku mpela. Kibili naonse umuntu alishiba ukuti Russia tayaishibikwe nangu ni lilya. Cena cali ni Roma. Ici ng’wena cakashika cali ni Roma. Cena lyonse ni Roma. Kibili cilya icela tacatalile acicinja ukuya ku cintu cimbi, ukufuma ku Roma ukuya ku cintu cimbi; cena cashelefye ni Roma. Kibili neciswango ni Roma!

⁹² Kibili Roma alikwete imibombele yabukapepa iyali mu mutwe wamfwa . . . nangu icilonda camfwa caipeye ena mu mutwe wakwe, lelo ena alipuputwilwe nakabili, ukufuma kuli

Roma umu senshi ukuya kuli papa Roma. Kibili nomba bena bafwile bapanga icipasho kuli cena, ukufuma muciswango ico icileisa ukufuma mu Kusokolola 13.

Bushe mwalitala mwamona? Ici icalo capelwa inambala ya ikumi limo naftatu, kibili nokumoneka...Ine nshilelanda ici cili...Cena—cena ceni, nangula, ico cena cili nokucitika umwabela ifipendo fya nsamushi, insa...icabafye bwino bwino mu mutande pamo na Malembo. Cena cilesangwa mu chapitala 13 iya Kusokolola, cino calo.

⁹³ Ifiswango fimbì filefuma mu menshi, ico icili icatikama kibili iceintu bwingi ica bantu, Baibebe efyo yalanda; lelo ici iciswango cinono cilefuma mu mushili, umo umushili abantu. Cibe, ena ali mwana wa mpaanga, ubuntungwa bwabu kapepa; nomba alandile kwati ci ng'wena, kibili ayampenye umwine palwakwe na maka kibili acitile fyonsé ifyo ici ng'wena cacitile kuli ena. Bwino bwino fye. Eico mwaumfwa imwe. Cena—cena cifwile ukubafye iyo ine inshila. Takuli inshila imbi iyakwilamo kuli cena.

⁹⁴ Kibili pano epotuli, ileelo, ukupanga imibombele. Imibombele! Ifwe teti tulolele mpaka fimo...Ifwe twaeseshe ukupanga umuntu onse ukuba u—uwakwa Luther; kibili cena cafilelike ukucitika ifyo. Ukwesha ukubapanga bonse ukuba ba Baptisti; twafililwe ukucita ico. Bonse ukuba ba Methodisti, nangu bonse ukuba ba Pentecosti; bena bafililwe ukucita ico. Eico, ukufwaya ukucita ici, inshita naipwa, bena bapanga icisaka, umutwe, icipasho caci swango. Ico eco bwino bwino bena bacita. Kibili ni cinshi? Ukutanika ukwa Cebo, nakabili, kuli mupepi. Cena cili mukweshiwa kibili nombaline cili nokwisa letwa kucintu bwingi.

⁹⁵ Moneni, i Cebo icasokololwa, ukufuma ku filonganino, cena casokolola, i Cebo icapusanako ukufuma ku filonganino.

Cinshi ici, ngeyi imibombele ni cinshi? Cena cintu cimo icabikwa kuli Roma. Bushe Baibebe yalilanda ukuti cena cili nokuba ifyo? Ee, mukwai! UKusokolola 17, bena bamwene Roma yaima palwaiko mu mibombele iya bushimapepo, iya mwanakashi. Umwanakashi, ichalichi lyonse cimininwako no mwanakashi.

Pantu, Nabwinga wakwa Kristu mwanakashi. Efa eumo uwaponene; ena e Umo uuwile alubulwa. Kibili ne Chalichi ni (cinshi?) ena mwanakashi uyo uwalubulwa.

⁹⁶ Kibili noyu mwanakashi aikele pa ciswango ne mitwe cine lubali. Kibili ifwe twalishiba palwa mpili cine lubali, kibili nefyaba ngefyo, nga fintu Baibebe yalanda ukuti cena efyo cili nokuba. Tapali icilubo. Tapali inshita iyacilubo. Mwamona?

Kibili moneni nomba, ifwe tulesanga ukuti, ukutila ena ali ni "NYINA WABA CILENDE." Mwamona? Kibili nyina no mwana umwanakashi ba ampana capamo nakabili muli

bucibus. Umo, pamuku umo, umwana umwanakashi abutwike ukufuma kuli nyina, ukwesha ukwikala ubwikashi ubusuma, pantu nyina wakwe ali uwa pesamba kabilo uwabwikashi bwabipa mpaka umukashana afumine pa ng'anda. Uh-huh. Lelo nomba, ukutulafye apo ena alitampa ukukula panono mu mushinku, ena, alitampa ukucita ifintu ifingi ifybipa pa lwakwe ena; ena amona nyina, ena atontonkanya ukutila nyina wakwe alilungike, eico ena alepanga imibombele iya palwakwe imwine eka. Mwamona? Bwino bwino fye.

⁹⁷ Ukwampana kwa filonganino, Ukufumamo, cilefikilisha bwino bwino ifyo a Malembo yalandia mu Kusokolola 17. "Yonse, yalya ama shina tayalembelwe mwi Buuku lya mwana wa Mpaanga ilya Mweo, lyali lyakwe ena." Umo nangu umunankwe, limbi iciswango nangu icipasho caci swango. Baibele efyo yalandia ifyo.

Kibili na Yesu alandile pali ici, tekuba nga abakubombela pamo. Lelo muli Mateo chapitala 24, ukutampila pamo na versi 21 ukufika ku versi 26, Ena asobele ukuti umupashi muli iyi imibombele uli nokuba icine cine kwati cintu icituntulu mpaka cena cili nokubepa balya bene Abasalwa nga kuti cena cacitwa; Abasalwa, abo ama Shina yabo yabikwa mwi Buuku lya mwana wa Mpaanga ilya Mweo ilyo umufula we sonde taulabako. Kibili, mu cishinka, cena cabekete bene abakakwa, mpaka Ena atile nga cakutila Ena taipifye umulimo, pamulandu wabo, takwali umuntu nangu umo uwali nokupusuka pe sonde. Kibili ifwe tukwetefye . . .

⁹⁸ Iyi—iyi ni '64, teifyo? Kibili Ndetontonkanya ukuti bena balanda palwa myaka ikumi limo na cine lubali ukufumyako kuli ico, eico, umwabela kalenda. Kibili ifwe tukwete '64, 1964, iyo iili nokupanga (cintu nshi ico?) amyaka amakumi yatatu na mutanda iyashele, ku senchale wa twente wanu.

Kibili yonse imyaka amakana yabili, isonde lilesa kumpela ya mibombele ye sonde, imibombele yabukapepa, ku mpela ya mibombele yonse, kibili Lesa aishilemo. Nga fintu Acitile munshiku shakwa Noah; imyaka amakana yabili ayakubalilapo. Imyaka amakana yabili iyakonkelepo, imibombele yabwelele kuco isambililo lyesu lileita, muno lucelo, kibili Ena atumine nakabili i Cebo Cakwe. Ena atumine i Cebo Cakwe na kasesema, mu nshita yakwa Noah, kasesema Noah; kibili abantu bakene Ico, ukukonka imibombele yabo. Atumine i Cebo Cakwe nakabili mu nshita yakwa Yesu, i Cebo casokolweke mu mwisulo; abantu bakene Cena. Kibili nomba cena ni 1964, ukushako imyaka amakumi yatatu na mutanda mpaka nangu fye imyaka amakana yabili ukucilapo; kibili ne Cebo caliletwa ukumoneka, kibili ne mibombele yalikana Cena.

⁹⁹ Tuli mupepi shani ifwe? Limbi tatufikile napafyo tutontonkanya, mwamona, ukuti inshita iili yonse cena kuti

cacitika. Limbi cena calicitika akale, pantu fyonse ifyo ifwe twaishiba, nga fintu Nalandile pa bushiku wapa Mulungu wafumineko ilyo nali pano. Ishina ilya kushalikisha limbi kuti lyaba pali lilya i Buuku; lintu caba ifyo, takwakabe nangu umo ukwisa ingila. Isonde likatwalililapo ukulaya nga filya fine cena cali, lelo i Chalichi na cikakatikwa. Moneni nomba ilyo tuleya pano. Amashina yabo, nomba, ena takabepo balya abo ama shina yabo yalembwa.

¹⁰⁰ Cinshi ico? Cena cifwile ukuba imibombele. Mwamona? Kibili tontonkanyeni fye, ukuba muli cilya icilonganino muli ilya imibombele, cinshi ico imwe mwingacita nomba? Cinshi ico mwacita? Imwe mwaliakatikwa kale, mwamona, ukufuma ku Cebo, ku mibombele ya kwipaya iyo iifumyapo, “Ukukwata imibele iya bulesa, lelo ukukana Amaka yabuko.” Cena lulembo lwaciswango. Bwino bwino fye. Mwamona?

¹⁰¹ Cena ciswango kulya, cilya ena acitile; kibili pano pali icimonwa, icintu cimo cine. Kibili iciswango cali icikalamba nganshi, cilya icapangile cilya ichalichi cikalamba icaba konse konse ku Nicaea, mwamona, ukuti bena bapangile lyonse—lyonse isonde ukwisa kuli cilya, muli ilya imibombele imo. Kibili bena batontonkenye ukuti cena cali icikalamba nganshi, “Takwali nangu umo uwalingile nokucita ubulwi pamo nabo,” efyo Baibele yalande, mpaka bena bapangile icipasho kuti swango, no kuletamo bonse ba Protestant mu Cisaka cama Chalichi; ico icapangile imibombele, ukuti imwe tabamitontonkenye napo ukuba abena Kristu nangu icintu conse cimbi kano imwe mwaba kuli ilya imibombele.

¹⁰² Ubo ebupusano pakati ka lulembo lwa ciswango noku Kakatika kwakwa Lesa. Lesa akakatika ne Cebo Cakwe. Imwe nga mwacetekela i Cebo cakwe?

Nomba muletila, “Bushe ico nacilungama, Munyina Branham?” Ee, mukwai.

¹⁰³ Nomba, Ninjishiba imwe mwebena Sabbath, nangu ba Seventh-day Adventist, mutila, “Ukusunga ubushiku bwe Sabbath.” Lelo ico tecu. Tekubafye uwalande ifyabipa pali imwe, lelo ico mukupwililika tacabamo mu malembo.

Abena Efese 4:30, yalande ukuti, “Wikalifya Mupashi wa Mushilo uwakwa Lesa, untu iwe wakakatikwako ukufika nakubushiku bwa bulubulo bobe.” Mwamona?

¹⁰⁴ Nomba, Mupashi wa Mushilo e Cebo. Lesa taba patatu. Ena ni Lesa umo wine mu nshita shitatu, muma ofeshi yatatu. Lesa, Taata, pa malango; Lesa, u Mwana, mukusenamina; kibili Lesa, Mupashi wa Mushilo, ngafintu imwe mwita Wena, Lesa umo wine munshita ya Mupashi wa Mushilo. Lesa, Taata, ewali Cebo; Lesa, Mwana, ewali Cebo; kibili Lesa, Mupashi wa Mushilo, e Cebo. Mwamona, cena fye ma ofeshi yatatu.

Kabili uku-... Kabili Mupashi wa Mushilo alakakatika imwe, eico imwe mwakakatikwa ne Cebo.

Nomba iwe watila, “Ukuba, Ine nalikakatikwa ne...”

¹⁰⁵ Ukuba, nomba, cena cilailangisha icine pa lwaciko. Mwamona? Cena cilashininkisha. Iwe teti ube ku mibombele, kibili nokuba uwa kakatikwa ku mibombele kibili ne Cebo, mwamona, pantu cena caliba icapusana, cimo kuci nankwe. Iwe tekuti ucicite. Nacilungama.

Nomba tulesanga, ukuti, fi mashini ifikalamba ifyakulungisha, filya ifya pangwa muli fi mashini ifikalamba, ico kuti... .

Mashini, yena yakwata... motoka, yena yakwata ama pistoni, ama valvu, na carburetor, nefyaba ngefyyo. Ifyo e-ifyo emipangilwe.

¹⁰⁶ Ndefwaya nande icintu cimo ku Chalichi pano pene, nga cakutila kuti naibukisha, mwamona, ico efyo caba, Nincetekela tuli mupepi ku mpela nganshi, Ine—Nalalandia icintu cimo nomba, mwamona, mwamona, i—imipangilwe, kwaliba abengi abo abesha ukulondolola imipangilwe lintu iwe tawishibe cena. Mwamona? Icintu fye cimo iwe... . Kabili, imwe namwishiba, iwe ufwile wacishiba. Imipangilwe yaishibikwa. Nomba nga cakutila Mose... .

Nga cakutila umuntu umo alandile ukuti, “Noah, Ndefwaya iwe ulondolole i—imipangilwe ya bwato ifyo buselela. Ifyo u... .” Ena kuti afilwa ukucita ico.

Iwe taufwile ukwishiba imipangilwe; kanofye Amaka fye ya Ico. Mwamona, Amaka eyo iwe ulefwaya ukwishiba.

“Mu musango nshi?” Ukuba, umuntu umo nga aisa ku Israeli, nokutila, “Atila, Mose, Ndefwaya uku kutuluka. Nimu musango nshi iwe wingapangilamo inama ne cebo cobe?”

¹⁰⁷ Atile—atile, “Te cebo candi. Cena Cebo cakwa Lesa. Ena anjebele ukucita ico.” Mwamona?

¹⁰⁸ “Ine—Ine—Ine... Njeba, londolola kuli ine ifyo ifyo iwe wapangile ba lunshi ukwisa pe sonde, lintu tapali nangu bambo, balya balunshi abengi pe sonde.” Mwamona? Mose tekuti alondolole ico, pa lwakwe. Iwe taufwile ukucita ico. “Inga iwe kuti wapanga shani umwela waku kabanga ukwisa nokupupa nokupanga icilindi ukwabuka Bemba wa Kashika, kibili ifwe twakukonkele pamushili uwauma. Londolola imipangilwe yaico. Yali—yali—yalishani imi—imi—imibombele wabomfeshe, Mose? Cinshi? Njeba ine ifyakufwailisha fyabu science palwa akantu akanono walekeleko.” Mwamona? Mwamona?

¹⁰⁹ Ena taishibe ico. Ena, ukuba, ena taishibe imipangilwe; ena aishibe fye amaka. Kabili—kabili iyo e nshila.

Ine tekuti nkwebe ifyo Ndeikala. Ine teti nkwebe ifyo iwe uleikala, lelo iwe uleikala. Ine tekuti nkwebe ifyo umutima obe, nefyo icakulya cobe cingila mukati nokupanga umulopa. Kibili nokubula yalya—yalya amaka aya cakulya cilya, kibili—kibili nokuya mukati kacilya cibumba ca butatu ica munshila ya mumala kibili nokucibwesesa mu bumi ubwa mulopa, kibili nokucitura ukuya pa muulu ukupitila muli iwe. Ine—Ine tekuti nondolole ico, lelo cena cilacita ico. Mwamona, cena cilacita ico. Ine—Ine tekuti nondolole ico. Ine tekuti nondolole ico. Cena maka.

¹¹⁰ Nomba, Mose limbi alishibe imipangilwe, lelo tacali ni ncende ya mutnu umbi ukwishesha ico lelo Mose. Bena balishibe ukuti cena calibombele, kibili ico calibasekeshe. Mulandu nshi abantu tabengabela abasekelamo muli ilya nshila ileelo? Mwamona? Umuntu onse tekuti abe ni Mose. Kwali fye umo Mose. Bena baishibe fye ukuti cena cakwa Lesa. Bena balicimwene ukuti cakwa Lesa.

Kibili bena bacikonkelemo kibili calecita bwino mpaka bena batampile ukwipusha amepusho palwa cena, balefwaya ukwimya umuntu umbi ukucita icintu cimo cine, Kora, na Dathani. Kibili lintu bena babulile umuntu umo uwakupashanye ifya bumubli, mukulekelesha Lesa atile, “Ipatulen i mwebene mweka. Mwiingila mumibombele yakalya aka bungwe. Mwamona, fumenimo muli cena! Ndecimina cena.” Kibili Ena aiswile umushili nokucimina cena. Mwamona?

¹¹¹ Iwe tawaishiba, iwe taufwile ukwishesha ifyo capangwa. Mwishibefye amaka, icintu cilya icicilenga ukubomba, ico icicilenga ukuba ica cine, kibili moneni nga cakutila cena cauma apa kutontomesha cilya Baibele yalaya cena cili nokuma muli buno ubushiku. Mwamona, cena Cebo nakabili, ukubwelela ku Cebo.

¹¹² Nomba, nomba ci mashini icikalamba cilebikwa nomba, kibili icaipekanya ukusela. Imibombele epo ili kale palya. Bena kale nabawkwata imibombele yaca kubomba yakabungwe ako akali nokuleta, pano pe sonde, “umutende,” bena batila. Bena balikwata...kwati nga ba U.N.

Ifyalo nafyampana capamo. Ninshita yakwampan pamo. Ine elyofye Nashimikile pali ico, nomba line. Be...Bena baleampana capamo, ukuleta cinshi? Umutende wa mwi sonde. Bena bacitile ifyo mu League of Nations. Bena lyonse balicita ico, kibili tacatala ukubomba. Cena tekuti cibombe. Ba U.N. tababa nangu cimo lelo baluni yamupila iikalamba iyo iisendwa no mwela we sambililo ilya cila calo. Cena cili nokulepuwa nokupandauka pansi iili yonse. Cena tekuti cibombe.

Nangu Cisaka cama Chalichi tekuti cibombe. Cena kabungwe ka mutnu, akapusana ku mibombe...nangu imibombele yabo ukuba iyapusanako ku Cebo cakwa Lesa,

kabili cena tekuti cibombe. "Bushe babili noku baendela shani capamo kano bena basuminishanya?" Imwetekuti ucite ico. Kabili musango nshi ichalichi cabena Kristu, cingaba ica . . .

¹¹³ Ba—ba Pentecosti, ba Assemblies of God, kabili na—na yambi ama chalichi ayakalamba aya—aya mu bufumu bwaba Pentecosti, kabili neya bantu ba Full Gospel, kuti bena balufya shani amafundisho yaku sabankanya imbila nsuma, nefikomo filya fine fimo ifyo bena baimininapo? Kabili napalya pantu bakushiwe, ukufuma muli filya fintu fyatubungwe kabili nokufisusha fyena; kabili bafwile balufya ama sambilisho yakusabankanya kwa mbila nsuma kwabo, kukwenda na bantu abo abakana pafikomo ifya Baibele, no Bundapishi bwa maka ya Mupashi, kabili na Maka yakwa Lesa, na Yesu Kristu. "Bushe babili kuti baendela shani pamo kano bena basuminishanya?"

¹¹⁴ Mwaumfwa imwe, iyo e nshita iyo tufikilepo, kabili iyo e mashini iikalamba iyo iyabikwa. Nomba bena nabawkata imibombele. Icintu fye cimo ico bafwile ukukwata ni Satana mulya, na maka, ukupatikisha ukubika ululembo ulwa ciswango. Lintu ena apatikishiwa, nomba amaka ninshi amaka yalebomba. Imibombele epo ili palya. Bena kale nabaikwata.

¹¹⁵ Lekeni nandepo icintu cimo, pamo; iyi nshita yakwampa na pamo, yakumona ama chalichi yale ampana, ifyalo fileampana. Yena ni nshita iya kwampa na pamo iyakwa Lesa na Nabwinga Wakwe, pamo. Kabili Ndelanda ici nomucinshi uukalamba kabili no mucinshi. Nacetekela ukutila Nabwinga wakwa Kristu alitwa. Nacetekela ukutila Ena alikakatikwa mu Bufumu bwakwa Lesa. Nincetekela imibombele epo ili palya. Bena balelolela pa Maka ayo ayali no kusenda Ena ukumufumya pe sonde, ukuya mu Bukata, mu Kusumbulwa. Nalicetekela ico no mutima wandi onse. Ee, mukwai. Ifwe tatwishibe ifyo Ena ali nokucita ico, lelo Ena ali nokucita cena.

Ena e Maka. Ifwe tubafye ba membala wa mashini, uwa Mubili Wakwe, ukuibika fwebene mucipasho Cakwe, kabili nokumona Ena pa Lwakwe ukwampa na pamo na ifwe, mumilimo Yakwe, pamo ne fya bupe fyabupe Fyakwe ifyakutemwa, ilyo Ena akalafipela kuli ifwe ilyo fye Umulalilo wa Bwimga taulafika. Kabili ifwe tulelolela, ukumona pali ico.

Ichalichi cabio icikalamba cilefwaya ukuba ica ampana.

¹¹⁶ Amaka aya Chalichi yali nokuba ukwisushiwa cipyia cipyia ukwa Mupashi wa Mushilo untu twabomba nao mu mulingo uunono ilyo Ilibwe ilikalamba lileia panshi mukwampa na pamo no Mubili. Lelo lintu u Mutwe no Mubili fya ampana capamo, umwisulo wa maka ya Mupashi wa Mushilo uli nokumusumbula Ena bwino bwino fye kwati ngefyio; nangu fye abafwa, abo abafwila muli Kristu, pa myaka imyanda ne myanda iyapitapo, bali nokubukila mibusuma bwa bu mushilo Bwakwe, nokwima ukuya mu makumbi. A Maka ni Mupashi wa Mushilo.

¹¹⁷ Kibili nomba amaka yabuteko bukalamba ubo bakula, uyi mashini mukalamba ali nokubomba ubushiku bumo mu Cisaka ica ikatana ica ma Chalichi yacisaka ca Calo, ico icili nokupanga ukupatikisha, pamo. Ibuki-...lelo ibukisheni...

Imwe mwatila, “Lintu ico cikacitika...” Yena ikaba ni nshita iyapwa lilya kuli iwe. Iwe ninshi kale kale uli muli cena. Nangula ulefwaya ukuba mulya, nangu iyo, iwe kale kale uli mulya. Mwamona? Moneni, iwe kale kale naukwata umupashi pali iwe.

¹¹⁸ Mu bushiku lintu u—lintu u—umwela uwa Mupashi ulepupa ukufuma kukabanga, kukapinda ka kukuso, kumboshi, na kuma samba, ukweba abantu ukufuma muli cena, kibili no kulangisha abantu!

Uyo wine emulandu Nabela uwakukana iyo imibombele. Nalimona ukuti paliba icintu cimo palya, imfifi. Nga fint Ine namona ine abanakashi babika filya ifintu pa menso yabo, Nalimyebele uyu Mulungu wafumineko, Nalishibe ukutila kuliko icintu cimo icileisa.

¹¹⁹ Mulandu nshi Ine nabelele lyonse ukukana ifintu ifyaba ifyo? Ine nshaishibe ico; Naishiba ileelo. Mulandu nshi Ine lyonse nabela uwakana bukapepa ubwa amapana pamo? Nipamulandu wakutila (Ine namona ico ileelo) cena lulembo lwa ciswango. Mwamona? Ine nshatalile nanda ico mpaka imilungu yakushalikisha. Mwamona?

Nomba, panuma ya fikansa fya mu chalichi, nomba cinshi icalacitika? Panuma iya Cebo caba icine cine icashininkishiwa? Nomba, lolesheni, cena mukulekelesha cafika pa ncende palya apo kufwile kwaba ukwikala. Ukwenda kwabo ukwalakonkapo nomba kuli...

¹²⁰ Bushe cinshi cakonkelepo kuba Yuda icakucita panuma ichalichi cakana Ico? i Chalichi cakene i Cebo. Bena tabakwete nangu cimo icakucita na Cena. “Wena wali mupashi uwakowela.” Wena walishibe amatontonkanyo ayali mu mutima yabo. “Yena yali ayabipa.” Cibe, Cena cali Cebo. Imilimo intu Ena acitile, ipela ubunte palwa Ine, ishininkisha Untu Ena ali. Tabalefwaya nangu cimo icakucita ca Cena.

Nomba, icintu cakonkelepo, caishileba kubuteko. Kibili ici chalichi ca buteko, pantu ifyalo fyonse emo fyaba. Kwali icalo iciseshi icaletungulula icalo cabukapepa. Nomba, cena, icintu conse ni bukapepa, eico cena cali nokwisa kwi sonde lya bukapepa.

Oh, owe, umuntu impofu kuti amona ico! Kibili cinshi ico umuntu impofu enga landa lintu ena amona ici? Lintu ena amona ici, ena ali nokufuma mubupofu bwakwe.

¹²¹ Moneni kulya lintu ici icisaka ce sonde caisa capamo, “Cinshi ico ifwe twalacita noyu Yesu uwitwa Kristu?” Bena

icine cine tabafwaya ukucita icintu nangu cimo pamo na Cena. Eico kuli fye icintu cimo ica kucita, nomba, bwin bwino fye cilya cine ico bena bacitile lilya, bena bali nokutanika Cena, icine cine, ukucisala Cena. “Cena teti cibepo nakabili. Cena tacaka suminishiwe ukucita ico.” Amaka yalya aya bukapepa aya fyalo tayaka suminishe bena ukucita ico nakabili. Ubupyungishi ubwaifyo ubutwalilapo pano, kabili ne fintu ifyaba ngefyo, fyena mukupwililika fikaba ifya isalilwa. Imwe teti mucite ukwabula ifyakulesha ukufuma ku cisaka cikalamba, umukalamba wa chalichi, mwamona, icipasho ca ciswango. Oh! Ifwe tuli pano, epela fye. Ifwe—ifwe—ifwe twalifika.

Kabili icine cine abashininkishiwa; icakonkapo kwenda ukuya mukutanika Ena.

¹²² Cimo cine nga nomba, ukulenga bonse abo abashiba pamo na bena, bakaba abaisalilwa kabili tabakasuminishiwe ukushimikila, mwamona imwe. Ico ciletanika, cipyap cipyap, i Cebo ica shininkishiwa ica bulayo. Cilescha cena, “Imwe tamwaka suminishiwe ukukwata ico nakabili. Takwakabe umulimo wabundapishi nakabili. Takwakabe amapepo yakupepela abalwele. Iyo, mukwai! Imwe teti mucite ico. Iyo, takuli nangu umo umbi. Iyo, mukwai! Imwe muli nokupitila mu Cisaka cama Chalichi nangu imwe ninshi tamukwete cena nakalya.”

¹²³ Nomba kuti mwamona imwe umulandu Nkanina bukapepa bwa mu filonganino, pantu cena lulembo lwa ciswango. Roma e mutwe wa ciko, uwakubalilapo. Ico nacilungama bwino bwino. Kabili cilenga ukubula cena nokwampana na bana abanakashi, ico e icipasho. Nyina wa ico apangile icintu cimo cine. Nikwisa mukubalilapo uko Roma abalilepo ukwampana? Ni bukapepa nshi ubwabalilepo ukwampana mwi sonde? Niba Katolika aba Roma. Umuntu onse uukwete icebo iciletilla cena tacaba ifyo, lekeni ine ingumfwe ico. Cena tacili pano. Akabungwe aka kubalilapo, ichalichi ica kubalilapo ica ampene, cali pa Nicaea, mu Roma. Ee, mukwai. Kabili ico cili bwino bwino fye eco bacitile.

¹²⁴ Kabili ni cinshi ico Luther acitile panuma ya mfwya yakwe? Bena bacitile icintu cimo cine cilya ico bacitile pa Nicaea, mu Roma. Cinshi ico bacitile panuma yakwa Wesley? Cinshi ico bacitile panuma yakusela kukalamba konse uko ukuleisa? Bacitile icintu cimo cine, bapangile abana banakashi ukuba ba cilende, icabafye bwino bwino icapwililika. Kwati, ukupitila muli cimo cine, ifwe tulesanga pano . . .

¹²⁵ Nalikwata Ilembo linono ilyo nalembele pano. Limbi cawama Inshe ico. Lelo, kabili mumone, bena bakwete . . .

Ukwampanya ukwa chalichi kwalikwata imibombele imoine capamo ileelo. Icintu fye cimo ico balekabila kukwata amaka

ya ico, icintu fye cimo icakucibika mu maka. Kibili cena cileisa mukui langisha, palya pene.

¹²⁶ Ichalichi ca Katolika nama chalichi yaba Protestant i fikesaba fi cibus. Ine nalimyeba ukutila ukutulafye—ukutulafye palya, pa myaka iyakulekelesha amakumi yatatu na fimbipo. Bena bakampana capamo. Kibili imwe mulemona bwino bwino fye ico bena balecita nomba. Ba—ba Protestant tabakatale ababa ba Katolika, lelo bakaba niba munyina aba bombela pamo, ululembo lwa ciswango, ilwalingana kwati ciswango.

¹²⁷ Kwati mu nshila imo ine intu mayo Efa, aonawile isonde lyonse kumfwa yakumubili. Mayo, Efa! Kutiken. Mayo Efa aonawile umutundu wa muntu nse onse, kumfwa yakumubili, (mu musango nshi?) ukupitila mukukana i Cebo kibili ukupokelela icintu cimo ico icali mupepi kwati ni Cena. Ena alengele imfwa yonse iya kumubili pantu alishile i Cebo ica cine, kibili acetekele i Cebo conse ica cine lelo kanofye apanono. Akanono fye mukukana umfwana kwalengele i Cebo conse icakwa Lesa ukuleta ukukalipa kwamutima konse, imfwa yonse ne cintu conse icaba pe sonde. Efa ewacitile ico, nyina wamfwa. Nomba mwamona uko tulefuma? Nyina wamfwa, moneni, ena akenefye ukucetekela i Cebo.

Atile, “Lesa alanda ukuti . . .”

Satana atile, “Ico nacilungama.”

“Lesa alanda ukuti . . .”

“Ico nacilungama.”

“Lesa alanda ukuti . . .”

“Ico nacilungama.”

“Lesa alanda ukuti . . .”

¹²⁸ “Ee, ico, ico cilifye bwino. Mu—mu nshila imo, ico nacilungama, lelo, mwamona, ico—ico tacili conse pamo Cena. Mwamona, imwe muli—imwe muli nokukwata amenso yenu ayaisuka, imwe mukaba . . .”

Lelo Lesa alanda ukuti, kibili ico ecapwisha ico, i Cebo! Mwamona, cena catampilefyen na kantu akanono ukukana senda bwino i Cebo, kibili, icintu cimo cine, cena cilepelela mu cintu cimo cine.

¹²⁹ Moneni, umwana umwanakashi ecisa cakwa nyina na wishi, mukwampa na pamo. Nomba pano pali icintu cimo icakusungusha. Lelo imfwa, kumubili, imfwa yakumubili ekwampanya capamo ukwakwa mayo Efa na Satana, capamo, ukupitila mukukana cetekela i Cebo cakwa Lesa. Bena ba ampene pamo nokuleta i—icisabo ca mfwa. Ena, na . . . Imfwa cisabo icakwampanya Satana na Efa, capamo.

¹³⁰ Efa alikwete i Cebo. Satana alalwisha i Cebo. Kibili, lolesheni, mupepi na makumi pabula na pabula kibili amakumi pabula na pabula ayama andeleti aya Ico, Satana alisumine ukutila cali icalungama. "Icapalamina mupepi nganshi," Baibele yatila, "mu nshiku isha kulekelesha, kuti cabepa naulya wine Uwasalwa nga cakutila cena kuti cacinwa." Moneni ifyo cena caisamo, ifyo cena lyonse caba, ifyo cena cili nokufuma? Munshila imo ine, ukwampana ukwakukana cetekela mu mwisulo wa Cebo conse icakwa Lesa. Mwacumfwa ico? Ico ecaletele imfwa, kwampanya pamo ukukana cetekela pamo ne Cebo. Ukukana cetekela, panono fye, icinono ica ico; icinono, icacepa, icacepesha, cimo ukufumya muli andeleti pesenti. Lelo Cena cifwile ukuba wamu andeleti pesenti! Epela.

¹³¹ Moneni, umwana umwanakashi uwakwa Lesa, ichalichi, Nabwinga, naena pamo cisabo, icakwa Lesa ne Cebo Cakwe, ukwampana. U Mupashi wa Mushilo ukwampana mu mubili wamunofu, Caletele Umwana wakwa Lesa, icisabo icabulungami bwakwa Lesa. Kibili mu bushiku bwa kulekelesha, nga fintu batweba, "nga fintu cena cali mu nshiku sha Sodomu," Nabwinga ali nokuba uwa ampana ne Cebo cakwa Lesa nokusokololwa mu mubili, u Mupashi wa Mushilo ukubakakatika bera muli Lesa, kibili ukukakatika ukukana cetekela, kunse.

¹³² Nga fintu Nacilanda, nga cakutila umweo wakwa Beethoven wali muli iwe, iwe kuti waikala nga Beethoven; nga cakutila umweo wakwa Hitler wali muli iwe, iwe kuti waikala kwati ni Hitler. Kibili lintu u Mweo wakwa Kristu waba muli iwe, iwe kuti waikala kwati ni Kristu, kibili ne milimo yakwa Kristu iwe uli nokucita. Kibili ico cili nokuba. Nga cakutila Kristu aikele ileelo, Ena kuti acita bwino bwino fye ico i Cebo calandile Ena ukucita ileelo. Kibili i Cebo calandile ukuti, "Ena aba cimo cine mailo, ileelo, no muyayaya." Mulandu nshi ili isonde ilipofu ilyabukapepa talingamona inshita intu bera baleikalilamo? Mwamona?

¹³³ Efa alengele imfwa yonse iya kumubili, mu kwesha ukulasamo ifya bufi ifyakwa Satana mu Cebo. Kibili ico cintu cimo cine ica citike ku chalichi, ku Nicaea, mu Roma, mukubulafye utuntu mucifulo ca Cebo. Ico e cintu cimo cine mu Methodisti, Baptisti, Presbyteriani, lintu u Lubuuto lalefuma ukuya kuntanshi muli cila nkulo kibili bera bakana Lwena.

Uyo wine emulandu abakwa Luther bafwile lintu Wesley aimine. Cena cali ni munkulo imbi. I Cebo caishileya ku ntanshi, kibili bera bali nokucipokelela Cena nangula ukufwa. Uyo wine emulandu ba Pentecosti balefwila nomba, pantu inkulo ili pano. I Cebo cena calisokolokwa, inshita yakwa kapumpe, inshita iya Cebo ukubwelelamo kunuma, "ukubwekesha Icicetekelo caba taata, ukucibweseshwa ku bana nakabili." Kibili bera baliba

abaikatana nganshi, kibili bena bacikana Cena, tabali nangu cimo lelo nimfwa yaku mupashi. Lyonse . . .

¹³⁴ Umubili wakwa Lesa, ukwampana pamo nga Nabwinga Wakwe, ukuba Umo; Ena na Kristu, capamo, e Mupashi uulebombela mu mibili uwa Chalichi kwati Cena nifily cabombele mu mibili uwakwa Yesu Kristu, pantu Cena lubali lwa Mubili Wakwe. Te babili; lelo Umo! Bena bali Umo. Umulume no mukashi tabali nakabili babili, lelo umo. Kibili Kristu no Mubili Wakwe bali Umo. Kibili u Mupashi umo wine wali muli Kristu muli Nabwinga Wakwe, mu Mubili Wakwe, uyo uwa Baampanya bena capamo ne Cebo conse. Kibili Lesa ekala mulya, pa Lwakwe, alesokolola cena.

¹³⁵ Kibili munkanyakristu, ena kuti atila, "Oh, Ine nacetekela muli Kristu, Ine nacetekela mu Mbila nsumu, Nacetekela muli ifi Fintu, lelo, namwishiba . . ." Mwaumfwa. "Lelo, namwishiba, inshita sha fisungusho yalipita. Takwaba icaba nga ico, mwamona." Mwaumfwa. "Oh, Nshacetekela iwe ukuti ufwile wabatishiwa mwi Shina lyakwa Yesu Kristu."

¹³⁶ Lelo Baibele yatila iwe walicitile. Nomba Ndefwaya bakasambilila ba mapepo bakaneko kuli ico. Mwamona? Mwamona? Cena cifwile ukuba. Mwatila, "Ukuba, ulubatisho talupangapo ubupusano nangu bumo." Ukuba, nomba mulandu nshi cena calembelwa? Mulandu nshi cena tacapangilepo ubupusano kuli Paulo? Mulandu nshi cena capangilepo ubupusano kuli bonse abashala? Iwe kuti caba limbi wabatishiwa . . .

Baibele yatila, "Iwe walikwata ishina ukutila uli no mweo, kibili iwe walifwa," pantu takwabe ishina limbi ilyapelwa pesamba lya Muulu.

Mulandu nshi iwe wingashimikila muli Cena, ukupepela mu Cena, ifintu fyonse fimbi, lelo, ilyo waisa isa kucishiba, iwe wakana Cena? Uh-huh. Mwamona?

Ine nalandile ku mwaume ubushiku bumbi, Natile, "Nga nga cakutila umwaume . . ."

Atile, "Tacipangapo ubupusano nangu bumo."

¹³⁷ Natile, "Nga cakutila umwaume aisa kuli iwe, kibili nomba watila ena alibatishiwa mwi shina lye 'lye Luba lyakwa Sharoni, Itunda lya mu Mupoka poka, kibili u Lutanda lwa Kumaca,' bushe iwe kuti watila ena nacilungama?"

Ena atile, "Iyo, mukwai."

Natile, "Bushe kuti ena wamubatisha nakabili ena?"

"Ee."

Ine natile, "Bushe kuti wamubatisha shani?"

Atile, "Mwi shina lyakwa 'Taata, Mwana, na Mupashi wa Mushilo.'"

¹³⁸ Natile, “Nacilunga, nomba iwe wacitile bwino bwino, wabikile . . . Nga cakutila iwe waita ayo ‘amashina,’ iwe wacitile icintu cimo cine ico ena acitile lintu ena atile, ‘Iluba ly Shaloni, Itunda ly mu Mupoka poka, u Lutanda lwa Mulucelo,’ pantu ico cakwimininako, kabili ‘Taata, Mwana, na Mupashi wa Mushilo’ cakwimininako.” Mwamona?

Ena atile, “Lelo Yesu atile mulebatisha, ‘mwi Shina.’”

¹³⁹ Natile, “Ico bwino bwino fye eco Ena apilibwile ukucita. Lelo cinshi, iyo—iyo, Ena tatile, ‘Muleita ifi i fyebo.’ ‘Mulebatisha bena mwi *Shina*,’ *Shina!*” Oh, owe! Natile, “Taata, Mwana, na Mupashi wa Mushilo’ fyakwimininako. ‘I *Shina* lyakwa Taata, Mwana . . . I *Shina* lyakwa Taata, Mwana, kabili na Mupashi wa Mushilo.’ Mwamona?” Natile, “Cinshi ico Petro atile Cena cali? Finshi ifyo bena bonse abashalako batile Cena cali? Mwamona? Cintu nshi Ico? Uh-huh. ‘Shikulu Yesu Kristu’ e *Shina* ilyakwa ‘Taata, Mwana, na Mupashi wa Mushilo.’” Ena alikwata kwati amakanu amakumi yatatu abekashi ena ali noku ba batisha cipyia cipyia nakabili nomba. Mwamona? Nacilungama. Lelo ico nacilungama. Paulo atile, “Nga cakutila Malaika afuma ku Muulu . . .”

¹⁴⁰ Paulo aebele balya abantu ukuti ico tekubatisha mwi *Shina* lyakwa Yesu Kristu, Imilimo ya Batumwa 19:5, ukutila, mucifulo cakuti benga pokelela u Mupashi wa Mushilo, bena bali nokwisa. Nangu bena balebilikisha no kulumbanya Lesa, nokulacita fintu ifikalamba, ena atile bena bali nokubwela nokubatishiwa cipyia cipyia, nakabili, mwi *Shina* lyakwa Yesu Kristu. Panuma Yohane Kabatisha ababatishe bena, bali bwelele no kubatishiwa cipyia cipyia.

Kabili atile, mu Bena Galatia 1:8, “Nga cakutila Malaika afuma ku Muulu afundisha icintu cimbi ukucila paco Ine namifunda, lekeni ena atipwe.” Ee, mukwai. Eico ifwe tufwile twaikala abalungama nacilya i Cebo, i Cebo conse ica Ico. Mwamona?

¹⁴¹ Moneni. Oh, tamufwile ukukwata ifilubo; imwe mube abashininkisha bwino mukupwililika. Nga cakutila muli ukutwishiwa ukuli konse mu mano yobe, cawama iwe wacilungika nomba. Taufwile ukulolela ukufika kuli iyo nshita, yena ninshi naipwa. Taufwile ukulolela mpaka wakwa ululembo lwaciswango ulwashika nganshi iwe tawakatale aumona Cena nakabili, iwe ukuba impofu.

Ena alengele Israeli ukupofula, pakutila Ena engasokolola i Cebo Cakwe. Ena alecita icintu cimo cine ku bena Fyalo, pantu pano—pano bena baleenda mukulunga muli cena pamofye nga fintu bena bacitile lilya.

¹⁴² Moneni, Efa alikene no nokulufya insambu shakwe. Panuma yakumona i Cebo cashininkishiwa na Lesa, paco Ena acitile, ena akene Cena nokulufya insambu shakwe. Icintu cimo cine

ico bacita kulya ku Nicaea, Roma. Kibili icintu cimo cine ico balecita nomba napa Cisaka ica ma Chalichi, cili bwino bwino fye. Mweba bwananyina, kuli, ukufuma ku Kuteneka ukufika ku Kusokolola icintu cimo cine. Ico eco Israeli acitile. Ico eco Pilato acitile. Ico eco icintu conse cacita, lyonse, ukufuma kuli Efa ukufika na nomba, icintu cimo cine. Bena bakene i Cebo icashininkishiwe nokubula icakwimininapo mucifulo. Ico capangile imfwa, imfwa yaku mupashi.

Abafwa! I Cebo cena cicili cilesheimikilwa ku bafwa. Bwino bwino fye! Tabakapite mu myaka Ikana limo, nomba, mwamona. Bena ba—bena ba, kale kale bena balishimikilwako. Limbi ukucikwata Cena pali ino nshita. Mwamona?

¹⁴³ Abana bakwa Kaini, abo abali ifisabo ifya kukana cetekela i Cebo cakwa Lesa, abana bakwa Kaini bapumishe kasesema pa mbila yakwa Noah. Imwe moneni ico? Pamo ne Cebo cakwa Lesa ena aliletele u—ukusobela libela ubupingushi, kibili alikwete ifishibilo ifya cine, alikwete ifishibilo ifyakushininkisha ukuti inshita yali pa mpela, kibili abana bakwa Kaini bapumishe pali Ico.

Eico nge fyo bacita nomba. Eico, ico, eco bena bacitile mu bushiku bwakwa Yesu. Eico bena bacitile fyonse ukupita mu nkulo. Cena efyo caba lyonse. Bena balapumya nokuseka Ico. Atilé, “Mu nshiku sha kulekelesha kukesha bakapumya, baletila, ‘Tapabapo ubupusano mu nshita, ukutula fye apo ba taata balalila.’” Mwamona?

¹⁴⁴ Eico efya citile na bana bakwa ciwa, ukupitila mu mibombele ya bukapepa, pa nshita ilyo i Cebo casokolweke munshita yakewa Yesu Kristu. Lolesheni, imibombele yabukapepa iya bantu aba Yuda, (Nkashi Rose), abantu aba Yuda abo abali nokwishiba bwino, lelo imibombele yabo yabalengele bena ukukana nokupumya i Cebo cakwa Lesa (ico bena batile balicetekela) ica sokolweke, te Cebo cimo ukufuma mu nshila. Bena bacitile icintu cimo cine.

¹⁴⁵ Icintu cimo cine ngefyo bacita ileelo. Imibombele iya bukapepa muli uyu mashini umukalamba ico bena babika nomba ubufwayo, icapwililika, balikana ubulayo pansiita yakushalikisha; pamo ne Mbila iya kulekelesha, kibili necishibilo icakulekelesha, inshita yakulekelesha iya fintu fyonse ico eco cifwile ukuba nga fintu Lesa acisobele, i Cebo ne Cebo.

Cena cili pa tepu. Nga—nga cakutila bena bampika nemfuti nafwa, nangu icintu conse ico benga cita, bena tekuti baleshe ilya i Mbila! Mwamona? Yena ili nokutalilapo mu musango fye umo wine. Mwamona? Yena yalifuma kale. Yena yalibikwa pali tepu. Yena taliya. Mwamona? Bena teti batale... Cena—Cena Cebo cakumpelekesho, ino ine inshita. Bwi...Iyalangishiwa bwino bwino kibili kulangishiwa, kibili na kibili na kibili, ku

fishibili, ifisungusho, kufya kubomfyा, ukupitila—ukupitila—ukupitila mu Maka, ukupitila—ukupitila muli science, ukupitila mu chalichi, ukupitila mu Lesa Umwine eka, alishininkisha ukuti yena ninshita; fyonse fibili ukupitila mu Cebo, kabilii ukupitila mu fishibili na mufisungusho.

¹⁴⁶ I Mbila iya shininkishiwa na Lesa pakati kenu, ukupitila mufishibili ne fisungusho ifya ino inshita. I Mbila iyo iitila Yesu Kristu tafwa, lelo ali uwa mweo nga fintu fye Ena abalile ukuba, kabilii nokutuma ukuya. Kabilii cena bwino bwino fye cilefikilisha Malaki 4 na yonse Amaleumbo yambi ayo Yesu atile yali nokuba munshiku shakulekelesha, yena yalifilikishiwa mukupwililika, fyonse fibili kufya bu science, nokupitila mwi sonde. Kabilii naba magazine babikile ifikope ifikalamba ifya shinguluka ifya Lubuuto lukalamba, filya ifya sobelwe pano. Ba Malaika bakwa Lesa, abaikaila pansi, ukutila bena tabaishibapo nangu cimo. Kabilii konse fye, ku ncende yonse, cena calishininkishiwa, mwi sonde lyonse!

¹⁴⁷ Icakonkapo kutanikwa, kabilii ici natulolenkana na cena. Nga fintu Yesu alandile lilya, “Cinshi ico Ine ningalandia, ‘Mpususheni Ine, Taata, ukufuma pali ico nshita?’ Lelo, iyo. Ubufwayo bwenu bucitwe, mwamona, pe sonde, nga fintu caba mu Muulu.”

¹⁴⁸ Ifyo efyo i Chalichi cilanda, ileelo, ukufuma mu mutima waciko, “Ine ukuilunda ku cintu cimo...? Iyo, Shikulu, iyo. Ubufwayo bwenu bucitwe, nga fintu cena caba mu Muulu.”

¹⁴⁹ Moneni, panuma yabulayo bwa Cebo icankulo ico icalangishiwe, bena balicikene Cena. Bena bacitile icintu cimo cine ileelo. Kabilii nomba Nalaisa mukwisalila. Kabilii lintu Aishile ukuilangisha bwino bwino pa Lwakwe ukuba i Cebo, kabilii caishile fika mukulangisha apo bena bafwile ukulaingisha ukusala i Cebo nangu ukusenda imibombele; cena calisa fika pacintu cimo cine ileelo, balingile ukusala i Cebo nangu ukusenda imibombele. Kabilii bena basenda imibombele. Nomba bushe cinshi ico cicita? Mukwisalila. Ena ali mu maboko aye sonde. Nacilungama.

¹⁵⁰ Nomba, isambilisho lyandi. Lyena lili ilitali ilyaku kulapo, lelo nomba elyo Nalatampafye, mwamona. Mwi ima, Nacila sekeshafye. Lolesheni, isambililo lyandi nili pano. Twalishiba ukuti. Uko kubikafye umusapu. Ifwe natukwata lyena lili fye mu mulaini umo pano nomba. Lekeni tulibike bwino bwino ukuya ku ng’anda nokumona ifyo lyena limoneka, ukumubika ena pesamba lyacilola.

¹⁵¹ Yesu ali pamaboko ya bantu. Cena cili pamaboko ya chalichi. Cinshi ico iwe walacita noyu Yesu uwitwa i Cebo icasubwa? Kristu Cipilibula “i Cebo icasubwa.” Mwamona?

“Cinshi ico imwe mwalacita noyu Yesu?” efyalandile Pilato.
“Cinshi ico Nalacita Naco? Cinshi, ukwenda kwandi kulishani?
Cinshi ico Nalacita noyu Yesu uwitwa Kristu?”

¹⁵² Cinshi ico isonde lyaitile? Cinshi ico ichalichi caitile?
“Citanikeni Cena! Cilesheni Cena! Tatulecifwaya Cena
nakabili.”

¹⁵³ Nalamipusha imwe icintu cimo. Bushe kuti mwaelenganya balya abamilandu abali pamaboko yakwa Oswald, muno lucelo, umo ulya uwaipeye Kateka? Bushe kuti watunganya ifyo ubupingushi bwakwe bwingaba nga cakutila ena ashininkishiwa ukuba umo ulya uwacitile cilya? Bushe iwe—bushe kuti waelenganya kuti kwaba uluse ululi lonse ulwingabapo pali ena? Umulopa wakwa Kateka uwa United States uli pa maboko yakwe. Bushe uletontonkanya Federal Court... Temulandu nefyo enga enga papatila shani, “Ine nshapilibwile ukucita ico,” ico teti cimulenge ena ukwelelwa napanono. Ena konaulwa. Mulandu nshi? Ena nakwata umulopa wakwa Kateka mu maboko yakwe. Bushe kuti waelenganya imyumfwile yakwe? Bushe kuti bafwaila ico pamaboko yobe? [Ulukuta lwatila, “Iyo.”—Kale.]

¹⁵⁴ Ukuba, nga palwa Mulopa wakwa Yesu Kristu nomba? Iwe uletontonkanya bali nokukwelela, panuma Cena bwino bwino nacishininkishiwa? Uli nokubutuka shani Ico? Umulopa Wakwe uli pa maboko yobe, uwasekwa! Umubembu, nikwisa uko uleya ukufuma pano? Cinshi ico walacita panuma ya kulongana muno lucelo?

¹⁵⁵ Bushe iwe uletontonkanya, iwe kuti watila, “Ukuba, Nacilafwaya... Ine nshapilibwile ukuba uwabipa.” Oswald kuti alanda icintu cimo cine.

Nga cakutila ubupingushi ubwa Cilye Cikalamba icesu bafwaya baleta ubupingushi, cena kuti caita. Cena—cena cesu... Cena eca pwililika ica calo. Icalo conse cakakilwa kuli cilya i Cilye i Cikalamba, kabili teti kube nangu cimo icinga shala. Ena alicita umulandu. Ena afwile ukulipila kuli ico. Temulandu nefyo ena tapilibwile ico, ifyo amapange yakwe yali, nangu tapali nangu cimo palwa cena; ena ali no kulipilila pali ico, nangu cingaba ifyo.

Nga cakutila i Cilye cesu i Cikalamba nakapingula afwaya icilambu cakubwekeleshapo, kuti cabu shani ukucilapo kuli iwe ukuisanga wemwine weka pa Cipuna ica Bupingushi icakwa Lesa, lintu iwe waisa no Mulopa wakwa Yesu Kristu pa maboko yobe? “Cinshi ico Nalacita noyu Yesu uwitwa i Cebo icasubwa?” Imwe namumfwa Ico. Iwe nawishiba Cena ukuti e Cine. Cena cintu bwino bwino icashininkishiwa.

¹⁵⁶ Kepaya? Bushe kuti wakabila kepaya uwa Cebo uwa mu filonganino, ukucila Kristu uwakaele? Bushe kuti wamutanika? Bushe kuti wafwaya—wafwaya ukusenda Barabbas? Bushe kuti

wafwaya Barabba bamukakule? Kuti caba shani umuntu ukucita ico, ukwita Barabba ukumukakula kepaya wa Cebo, ukucila ukusenda i Cebo, Palwa ciko, ico icaba Mweo! Kabili Cena cili pa maboko yobe.

¹⁵⁷ Lintu Naumfwile ukwipaya kwakwa Kateka Kennedy, iyi Mbila yaponene pa mutima wandi. Ine natontonkenye, cinshi ico ulya muntu akacita? Tapali ukufuma munshila yaico nomba. Ena limbi acibuka muli ino nshita nokwiluka ico icili kuntamshi yakwe.

¹⁵⁸ Kabili iwe uli nokubuka inshita imo. Pano, nangu pali tepu, ponse apo iwe uli, iwe uli nokubuka inshita imo, we mubembu, ukutila pali u Mulopa pa maboko yobe, kabili no Mulopa wa Mwana wakwa Lesa, kabili iwe uli uwa mulandu paku mwipaya Ena. Ulubembu lobe elwa mwipeye Ena. Ukukana cetekela kobe mu Cebo Cakwe, ukufilwa kwakumona kobe icishibili Cakwe, walikalifya Mupashi wa Mushilo. Kabili cinshi ico iwe wingacita lelo iwe kwiminina pa Bupingushi bwakwa Lesa, nokwishiha ico icala citika kuli iwe! Ee, umulopa wakwa John Kennedy ukuba pamaboko yakwa Oswald kuti caba icintu icinono, ukucila pa Mulopa wakwa Yesu Kristu ukuba pa maboko yobe lintu iwe waimininna ku cinso cakwa Lesa.

¹⁵⁹ “Cinshi ico Nalacita no yu Yesu uwitwa Kristu?” Pilato atile. Ena alibikwa pa maboko yakwe.

Kabili u Mulopa wakwa Yesu Kristu walibikwa nakabili pa maboko yalu lukuta. Cena cabikwa pamaboko yaici calo, kabili nokusinguluka ili isonde, uko aya ama tepu yafika, kabili ifintu ifyo ifyashininkishiwa kabili ifyasuminishiwa na Lesa.

Nomba cinshi ico twalacita pamo noyu Yesu uwitwa, “Uwaba cimo cine mailo, ileelo, no muyayaya”? Cinshi ico twalacita pamo noyu Yesu? Bushe iwe nawiiteyanya ukubula incende kulubali Lwakwe?

¹⁶⁰ Pilato, kabili pa cintu cimo cine ico Pilato acitile, pali ifintu fitatu ifyo winga cita pamo na Ena. Pilato alyeseshe fyonse fitatu, kabili alipushile cena. Ubutantiko butatu ubo iwe wingsha ukubomba nabo, lelo fibombe. Pilato alyeseshe uku mufumya Ena pa maboko yakwe. Lelo lintu pamuku umo amubikile pa maboko yakwe, Cena cila pamaboko yobe. Pilato alyeseshe inshila shitatu ishapusana, kabili shalifililwe.

¹⁶¹ Tufwile twalolenkana nefishinka ukutila Ena ali pamaboko yesu. Ifwe twalimumona Ena mu Cebo Cakwe. Ifwe twalimumona Ena ailangisha pa lwakwe Umwine. Ifwe twalishiba ukutila Ena aba cimo cine mailo, ileelo, no muyayaya. Bushe ico nacilungama?

Nomba, Nshilelanda fye kuli ulu ulukuta muno lucelo, pantu Ndelandanda fye ku bali imyanda mutanda, imyanda cine lubali abantu, limbi, lelo Ndelandanda kuma millioni muli iyi tepu iyo ili nokuya ukushinguluka isonde. Mwamona? Ena ali pamaboko

yenu, mu calo cama tepu, konse fye uko imwe muli. Imwe namwisha Cena e Cine. Nga cakutila imwe tamwishihe, nomba ninshi imwe muli impofu; imwe teti mumone i Cebo, nangula imwe ukumona Lesa mu Cebo. Kibili Ena ali pamaboko yenu. Nomba cinshi ico imwe mwalacita pamo na Ena?

¹⁶² Pilato alyeseshe ukumufumyapo Ena, lelo ifwe tufwile twalolenkana nefishinka. Pilato alilolenkene naco. Ena alishibe. Ena alyumfwile.

Ukuba, iwe watila, “Ine nshamwenepo icili conse ica ico.” Iwe walyumfwa Cena, nangu cibe ifyo. Iwe ulecumfwa Cena nomba. Mwamona?

Alefwaya Yesu ukucita icisungusho, nangu ukupanga inshila yabucenjeshi, kuli ena. Lelo Ena talepanga inshila shabucenjeshi; Alecita nga fintu fye Lesa amwebele Ena ukucita.

¹⁶³ Iwe walyumfwa, “Icicetekelo cishila mukumfwa.” Iwe naukwata icicetekelo, kibili wafumako... pakuti ici cifume pamaboko yobe. Lelo ena awfile alolenkana nefishinka nangu cibe ifyo. Ena acitile, kibili eico ifwe tufwile twalolenkana nefishinka. Ena mukupwiliika aliba uwaishibikwa. Tontonkanyeni, no Mulopa wa Muntu pa maboko yobe!

¹⁶⁴ Umuntu awfile amona lintu ena nakwata umulopa wa muntu umbi pa maboko yakwe. Lolesheni pa ndeke. Namutekenya afuma mundeke, lintu ena aleesha ilya indeke, abebeta icibombelo conse. Mulandu nshi? Ena nakwata umulopa wa muntu umo pa maboko yakwe. Conse icibombelo cinono ico icinga bebetwa, ena alacibebeta cena. Lintu ena afuma ashinguluka kibili apilibuka ashinguluka indeke, ena—ena—ena alishako mo—mo—mota, engine, kibili amona ukutila yena yakaba. Elyo abika icakwensha munshila yakwe yonse, ukumona ukutila cilya icilelila calaba—calaba...nga cakutila cena kuti cabomba uku—uku—ukushingulusha, nangu ukushingulusha kapepelesha, pamo, nomwela uwalinga ukuti yena ime ukufuma pamushili.

Imwe mwaliminina, imwe mwebengi, mu ndeke, nangu ukwikalako pansi palya, nendeke yonse yasunkana yaima ukufuma pamushili, mupepi fye. Ena alecipela cena fyonse ifyo cikwete, ukumona nga cakutila kuliko icili conse icishili mu mulongo. Nga cakutila cena kuti cacita, kuti cafumya nokulisha. Lelo ena alabebeta cena nakabili, nga cakutila ena kuti aikalako palya pakashita akanono, mpaka ena acibebeta nakabili. Kibili nga cakutila bena kuti baikatilila inshita yakwe panono, ena kubebeta cena nakabili.

¹⁶⁵ Ifyo i Chalichi cifwile ukulabebeta cena nakabili, nakabili, nakabili, nakabili! Ifwe tulelolela Ukwisa Kwakwe. Ifwe natubuka, tulelolela, ukuti twime. Cawama twabebeta cena

pamo ne Cebo, tefilya umuntu umo atile. Ube uwashininkisha iwe namwishiwa, palobe, ngo kwishiba kobe palobe pamo na Kristu. Bebeta cena nakabili, nakabili, nakabili.

Mulandu nshi? Ena nakwata umulopa uwa muntu pamaboko yakwe. Afwile abebeta.

¹⁶⁶ Nga palwa kwa dokota, ilyo talabombela? Natukwata ba dokota abengi abekele pano munu lucelo. Moneni, ukutila dokota, ico ena afwile ukucita ilyo talaya mukubombela. Afwaya x-ray. Afwaya ukubebeta umulopa. Afwaya ukubebeta umutima. Afwaya ukumona nga cakutila iwe naukwata impepo, ilyo ena talapela umuti wakulalika. Ena alabebeta icibombelo conse; alafipika fyena, bwino bwino, ukumona ukutila takuli utushishi kuli fyena. Alacita fyonse. Ena alabebeta ukupitulukamo, ukupitulukamo, ukupitulukamo, ukupitulukamo, ukupitulukamo, nakabili. Mulandu nshi? Ena nakwata umulopa wa muntu pa maboko yakwe. Ena afwaya ukushininkisha mucapwililika ukuti ifintu fyonse filifye ifyalungama nga fintu fyena fingaba ifyalungama.

¹⁶⁷ Nga palwa iwe? Nga palwa iwe, we mubembu, cinshi ico iwe uleumfwa iwe palwa ico?

Ukukwata umulopa wa muntu pa maboko yobe, ukuba uwashingamwa kwati ni namutekenya wa ndeke, kabilo ena alabebeta; dokota, na ena alabebeta; cimbi cinshi icacilapo, ifingi ifya bu science; lintu iwe wakwata umulopa wa muntu pa maboko yobe, cinshi iwe uli nokucita!

Lintu kapingula ala landa ubupingushi, lolesheni ifyo ena abelenga yalya ama buuku, ukupitulukamo noku pitulukamo noku pitulukamo noku pitulukamo noku pitulukamo, ku kantu konse akanono eko enga mona, ilyo tala landa ubupingushi. Pantu, ena nakwata umulopa wa muntu pa maboko yakwe, pafwile ukuba icintu cimo pano ica 'kulungamika ico. Mwamona?

¹⁶⁸ Nga palwa ifwe, lintu ifwe twamona Cena icalangwa bwino bwino, ukuti, "Ena aba cimo cine mailo, ileelo, no muyayaya"? Ena ali pano. Ena ali pamaboko yesu. Ena pamaboko yesu. Ena ali pamaboko yesu! Cinshi ico iwe walacita pamo n Ena? "Cinshi ico Ine nalacita pamo noyu Yesu uyo Kristu uwasubwa?"

"Cinshi ico Cena cicita? Iwe waishiba shani ukutila Cena ni Ena?"

Ubulayo bwa buno bushiku, ubushiku ubo tuleikalilamo, kuli ubwingi ubwakutila Amalembo yatila, ama inchii ayengi aya Cena yafwile yafikilishiwa, aya ama inchii yakulekelesha aya muli buno bushiku bwa kulekelesha. Kuliko ifintu fimo ifikele pano ifyo ififwile ukucitika, kibili fyena fili pano. Cinshi cena ico? Kusubwa kumo kwine ukwakwa Kristu, i Cebo icasubwa! Cinshi ico walacita pamo na Cena? Bushe iwe walacishitisha Cena ukucitwala kafilonganino?

¹⁶⁹ Nomba cinshi ico Pilato acitile? Pilato aeseshe uku Musamba ena ukumufumyapo pamaboko yakwe, mukulanda ukuti... Icintu cakubalilapo ico Pilato acitile cali cakwesha ukumusamba Ena ukufumyapo pa maboko yakwe, mukulanda ukuti “Oh, Ena ali fye bwino. Ena nalungika.” Mwamona?

¹⁷⁰ Iwe watila, “Oh, wemulanda Pilato.” Pilato, abantu abengi balamulungamika ena? Iyo, iyo, iyo! Ena ali pa maboko yakwe. Ena alyumfwile i Mbila, ena alimwene i Cebo, kibili Ena ali pa maboko yakwe. Kibili eico efyo Ena ali pa maboko yobe. Ico nacilungama.

Cinshi ico ena acitile? Ena aeseshe ukulanda ukuti, “Oh, ukuba, Ena Muntu umusuma. Ine nshisangile umulandu muli Ena.”

¹⁷¹ Nga cakutila ico te—te—tebwasuko ubwa bengi ileelo! “Oh, takuli nangu cimo icalubana pamo ne Cebo. Ndetunganya cena cilifye bwino. Baibele Ilifye iyalingama, lelo ifwe twacetekela ichalichi. Icilonganino cesu tacisuminishanya pamo na Cena.” Mwamona? Mwamona? Kuliko ibumba limo ilya bantu ilyo ilileesha uku Musamba uku mufumya pa maboko yabo.

“Ine nshisangile umulandu mu Cebo. Cena califye bwino ku batumwa mu nshiku shabo, lelo ifwe tuleikala mu bushiku bumbi. Ifwe tatwikala mu bushiku bwaba tumwa, eico Ine nshifwile ukucita kwati fintu abatumwa bacitile. Ine nshifwile nabatishiwa munshila bena bacitile; Ine njikala mubushiku bumbi. Ine nshifwile ukukwata ifintu ifyo bena bakwete; Ine njikala mu bushiku bumbi. Mupashi wa Mushilo Apelwefye kuli lilya ibumba.”

¹⁷² Aba Hebere 13:8 camubwesesa Ena pamaboko yobe nakabili. Takuli ukubutuka! Ena bwino bwino untu alangishiwa, “Ena aba cimo cine mailo, ileelo, no muyayaya.” Iwe tekuti ubutuke. Iwe teti umutwale Ena munkulo imbi. Aba Hebere 13:8 ilasusha amatontonkanyo yobe, nokubwesesa Ena pa maboko yobe. Eico Yesu ali pa maboko yobe, kwati fintu fye Pilato ali.

Lolesheni. Iwe watila, “Lelo Ine nshishibe.” Ukuba, mulandu nshi wakutikile kuli cena?

¹⁷³ Pilato ali musenshi. Umukashi wakwe nao ali musenshi. Lelo Lesa, pakupanda cena ukulungama, atumine ulya mwanakashi mulya kibili atile, “Bushe taufwile ukukwata cimo icakucita pamo noyu Umuntu umulungami.” Ena atile, “Nincula buno bushiku.” Pantu, cali lucelo, cena cali mu nshita ya bushiku, kibili bumo ama ora amakumi yabili na yane citontonkanishiwa ukuba ubushiku. “Ine nculile nefiloto munshita yabushiku, pafya ulya Muntu umulungami. Iwe wikkwata nangu cimo icakucita Neco.”

¹⁷⁴ Nomba ena atile, “Ukuba, nomba, nga cakutila ico cili ifyo, Ine nalamusambafye Ena ukufuma pamaboko yandi.” Lelo ena afililwe ukucita ico.

Nangula iwe tekuti ucite. Ilyo waumfwa Icine, iwe ufwile ukucipokelela Cena nangu ukukana Cena. Tapali nshila... Ee, mukwai, iwe ufwile wacita ico. Ifyakusoka ifyakwa Shikulu!

¹⁷⁵ Aba Yuda babilikishe, “Lekeni u Mulopa Wakwe ube pali ifwe; pantu ifwe twacetekelafye bashimapepo wesu, imibombele yamu filonganino fyesu, ilyo ifwe tatulamucetekela Ena.”

Mwaumfwa imwe. Moneni amabumba ileelo? Lelo yonse yafwile yalolenkana pamo nomulandu wakwa Lesa. Imwe mufwile bonse mwacita ico, nangu cibe ifyo, ubusenshi nangu conse ico imwe mwingaba. Uushacetekela, Methodisti, Baptisti, Presbyteriani, uwa cifulefule, uwatalala, uwakaba, kibili nangu conse ico wingaba, iwe ufwile ukulolenkana nomulandu mu musango fye umo wine. Nangula iwe ulefwaya ukucita, nangu iyo, Wena uli pababoko yobe. Ico cili bwino bwino fye.

¹⁷⁶ Nomba kuli abo abaleesha ukutantika kumbi ukwakwa Pilato kuleuka ubwafya, ukumutwala Ena kuli Kaisaleyka umbi. Mwamona?

Pilato atile, “Nomba loleleniko panono. Ine—Ine—Ine—Ine nshikwete icintu nangu cimo iackucita Neco. Ine—Ine—Ine—Ine... Ena Muntu umulungami. Ine—Nshilefwaya nangu cimo icakucita na Ena. Oh, Ine—Ine nacetekela ico naumfwa. Ine nshatala mumona Ena ukucita icisungusho, lelo kuli Inte ishingi pali Ena. Ine—Ine—Ine ndecetekela Ena Muntu fye. Ena Muntu umusuma, mwamona, lelo—lelo Ine—Ine nshilefwaya icakucitapo na Cena, ne mwine. Ine—Ine—Ine ndifye... Nala Musamba fye ukufuma mu maboko yandi. Ndetylako amenshi yamo. Imwe bonse mule njimininako ubunte pano.” Ee. Lelo Lesa alepela ubunte, pamo. Ena ali pa minwe yakwe.

¹⁷⁷ Kibili eico Ena ali maboko yenu. Mwamona, imwe namwishiha ico Ndelandapo. Mwamona? Teimwe mweka, lelo neyi tepu. Ena ali pa maboko yenu. Cinshi ico imwe muli no kucita na Ena, uyu Yesu uwitwa Kristu? Kristu e Cebo ica Subwa. Mwamona? Cinshi ico imwe mwalacita kuli Cena? Cena ni Mbila ya nshita. Ubushiku buli pano, ubwashininkishiwa muli Baibebe na Lesa. Cinshi ico walacita pamo na Cena? Nimu musango nshi walasengaukilamo umulandu nomba? Nimu musangonshi iwe walaikala naco? Ena ali pa maboko yenu! Kibili umulandu wakwa Oswald walabako uunono, ku obe, nangula kapyunga nangu onse untu iwe wingaba.

¹⁷⁸ Bena aba Yuda bali bashimapepo, kibili ba rabbi, bakasambilisha, abantu ba mushilo; lelo Ena ali pa maboko mu musango umo winefye. Ena ali i Cebo, umulandu uwakwa Lesa muli bilya ubushiku, kibili bena bafililwe ukumona Cena. Abasalwa fye eba mwene Cena, bomo balya aba cetekela Cena.

¹⁷⁹ Nomba bonse balolenkana no mulandu. Mu nkulo yonse cena efyo caba ifyo fine, mu nshita yonse. Ukupita mu nkulo yakwa Efa na Adamu, ukuya fye naku nkulo yakwa Noah, ukutwalililapo fye namu nshita yakwa Daniele na Belteshazzar na Nebuchadnezzar, ukutwalililapo fye namu nshita yakwa Kristu, ukutwalililapo fye namuli ino nshita tuleikalilamo, cena caba cimo cine, umulandu uwa Cebo ewaisa moneka. Temasambilisho yabo, nangu te filonganino, nangu ifyo bacetekelamo, lelo, umulandu uwa Cebo waliba uwakukana ifyo fintu. Eico, nomba, Wena waba pa maboko nomba.

¹⁸⁰ Nomba balya abesha inshila imbi iyakwa Pilato, ukumufumyapo Ena, muku mufumyapo Ena ukumutwala ku muntu umbi. Pilato atile, "Nomba, namwishiba ukutila? Ine nde Mufumya pa maboko yandi. Nalamusamba Ena ukumufumyapa maboko yandi naya amenshi. Eico Ine fye... Mfwile nacitapo icintu cimo pamo na Ena. Eico cinshi ico Ine nalacita? Nalamutuma Ena kulya ku cisaka, pamo na bishopu." Uh-huh. Ee.

Ico eco bena baleesha ukucita ileelo. Mwamona? Bena bamutumine Ena kuli Kaisaleya. Ico tacamufumishe Ena pa maboko yakwa Pilato, tacamufumishe Ena pa maboko ya muntu umo. Cinshi ico cena cacticile? Cena califilike pali ena. Caisa bwelela kunuma ku muntu umo.

¹⁸¹ Iwe watila, "Ukuba, Ine ndi, Ine ndi nokucita cena, Ndi nokupokelela Cena nga cakutila icilonganino candi cili nokupokelela Cena."

Icilonganino caba mu Cisaka ca ma Chalichi icasekwa! Nimu musango nshi bena bali no kucipokelelamo Cena? Cena califilike, nokubwelela kuli iwe. Cena tacili ukutila icilonganino cobe catila; cena caba, cinshi ico iwe walaland? Bena balicikana Cena; nomba cinshi ico iwe walacita Neco? Ico e cintu icalakonkapo. Mwamona? Ico tacilemufumya Ena pa maboko yenu.

Ena aliba uwashininkishiwa bwino bwino. Ena alishibikwa bwino bwino, i Cebo ca ino nshita, ubulayo bwa ino nshita. Te bulayo bwamu nshita yakwa Luther; ico efyo cali Cena lilya, cilya cali Cebo munkulo yaba kacinja. Nga fintu, imwe bonse mwaumfwa *Ifikakatikilo Cine Lubali*, lintu inkulo yaba kacinja yapwile, Icisiwango nge cinsos kwati ica muntu (akabungwe) katile; lelo ici e cinsos cakwa kapumpe, i Cilya i caile nokupanga icakubeca ileelo.

¹⁸² Kibili ni nani uwinga landa ukutila cilya tacali icasubwa i Cebo cakwa Lesa, lintu Ena acilandile libela Cena pano, kibili nokucitura kulya ku Arizona kibili noku Cibweseshamo kunuma, nangu fye pamo na science ne fintu fyena fimbis, nokushininkisha Cena ukuba ifyo! *Ili* i Buuku kale kale

lyalisulwa, ico nacilungama, kulolelafye Icikakatikilo calenga Cine lubali ukuba icaishibikwa pa Kwisa kwakwa Kristu.

¹⁸³ Nacilungama, Ena ali pa maboko yobe. Ufwile wacitapo icintu cimo pamo na Ena. Tekumufumyapofye Ena. Ee, mukwai. Muli ili ibumba, Ine kuti nafwaya ukulanda ukuti, “ukumutwala Ena ku muntu ena umbi.”

“Nga cakutila i cilonganino candi kuti capokelela Cena, Munyina Branham, Ine kuti—Ine kuti nacipokelela Cena. Lelo, mwamona, ba mayo wandi bali muli ici ichalichi.” Bena baikelle mu nkulo yabo; ico tacili niwe. Ico niwe nomba. Lolesha muco bena bafuminemo, ukuba fintu bena bali. Nga palwa iwe? Nacilungama.

¹⁸⁴ Lolesha. Iwe watila, “Ba mayo wandi bali niba Pentecosti. Bena bacitile *ico-ne-co*. Bena bafumine mu kabungwe.” Lelo Ine ndeesha ukulanda kuli iwe nomba. Nga palwa iwe? Mwamona?

Muli ili ibumba, tulesanga abengi aba sambilila. Nomba, Ninjishiba apa pano Nalacena imyumfwile, lelo Ine nshacite ico icakutila nincibika ku mano. Nga cakutila Ena kuti nacita, nomba Ine—Ine mfwile ukuba pacipailo, ndelapila. Ine ndelanda ici mukutemwa ukwa bu lesa.

¹⁸⁵ Yesu, ilyo Aiminine palya, kibili nabena aba Fariseo, batile, “Iwe uli wakwa wiso, kasebanya; imilimo yakwe eyo iwe uli nokucita.” Cibe iwe uleta pamutende noluse ukuba pali bena, palya pacapindama, palya Ena atanikwe. Mwamona, Ena tafulilwe bena. Atile, “Imwe mwe nkulo ya nsoka.” Mwamona? Mwamona? Ifintu fyonse, Ena abatipile kufintu fyonse ifyo Ena amwene, mwamona, kibili nomba ena abapepeleko bena pa capindama. Mwamona? Cena tacali icakuti Ena alefwaya ukucita cilya; cena tacali ifyo, lelo bena bamwene icilubo ico bena bapangile.

¹⁸⁶ Kibili Ndelanda icintu cimo cine ileelo, muli ili ibumba lya “kukana umulandu nokutwala pa muntu umo umbi,” nangu icintu cimo ico ifwe twita muba bulwi, “ukukana umushingamo noku utwala pa muntu umo umbi.” Ifwe tuleesha ukutwala ico pali umo, kwati fintu Adamu na Efa bacitile.

Efa aeseshe. Adamu atile, “Uwanakashi untu Imwe mwampele,” kibili ico tacali icakufisamamo kuli ena. Mwamona? Uwanakashi atile, “Insoka eyankoweshe ine. Ena . . . Ena eumo uwalele naine. Ena ankoweshe ine. Acitile *ici*.” Ico tacafumishepo cena, nakalya. Bena batwalililepofye ukuya ku bupingushi, cimo cine fye. Ee, mukwai. Nacilungama.

¹⁸⁷ Bena teti bacitwale ico, umo . . . Teti atile, “Nga cakutila icilonganino candi kuti cacetekela Ici, Naine—Naine pamo. Lelo, Ine naba muli ici icilonganino.” Ico tacikwete icintu cimo icakucita neco. Aba Yuda bakwete icintu cimo cine, eico naimwe.

¹⁸⁸ Kabili, moneni, abengi muli ci, tulesanga abantu muli ili ibumba abantu abakula bwino bwino. Nomba kutikeni pepi pepi.

Moneni, ulutambi, ico tuleita intambi ileelo, eico Satana atwele kuli Efa, amanofye ayanono. Atile, "Amenso yobe tayaaisuka, icakutila iwe ulafilwa uku kutuluka conse Cena." Ena alishibe i Cebo, kabili efyo fye cali. Ena alimwene Lesa aleshininkisha cilya i Cebo, kabili ico cali icisuma. Ena alesunga ena mu Mweo wa Muyayaya, nga cakutila aikele na cilya i Cebo. Lintu atobele cilya i Cebo, ena alikwete ubulayo bwakwa Lesa ukutila ubwakutii ena ali nokufwa ubushiku bulya bwine ena atobele Cena. Kabili, lintu atobele Cena, ena alifwile. Ico nacilungama.

¹⁸⁹ Ifwe natukwata i Cebo cakwa Lesa icashininkishiwa pano, ukushininkisha, ukushininkisha ukupitila mu Mupashi, ukutila Ena alitupokelela ifwe no kutupela Ulubatisho lwa Mupashi wa Mushilo. Ifwe twabatishiwa mwi Shina lyakwa Yesu Kristu. I Mbila nsuma imo ine, ifishibilo fimo fine, ifisungusho fimo fine, ubupyungishi bumo bwine, nangu fye i Ntumba ya Mulilo imo ine iimoneka kuli ifwe, ukulangisha ifishibilo nefisungusho. Tapali icakufisamamo, nangu pamo.

Kabili ico bwino bwino fye eco i Baibele yalandi ukutila cili nokucitika mu nshiku shakulekelesha, kabili nobwite ukufuma muli Malaki 4, "ukubweseha i Citetekelo ca bana kuli ba wishi nakabili." Kabili panuma fye ya ico, ababifi baendele... nangu abalungami baendele palya pa mito yababifi; isonde lyonse lyali no kocewa. Kabili tulya utuntu utunono tuli kulya kwi shilya, ama bomba mucakusungilamo.

¹⁹⁰ Mwamona ico Germany acitile lilya line fye basangile Kate-... Kateka balimwikeye nemfuti? Bena batwele ababulwi capamo bwangu bwangu, pantu ico icalifye icintu cimo icaikatilile Russia ukutila eponya ama bomba kulya. Kabili bena baumine... Kennedy abatuminefye bena ishiwi, ukuti, inshita bena bacita cilya, ukutila bena ali nokuba pyanga bonse ukubafumya pe sonde, mulya mwine mu Germany. Mwamona? Kabili bena batontonkenye ukutila bena bali nkucisenda ukucitwala ku ntanshi, lelo yena yali tailati ifike inshita, mwamona. Mwamona?

¹⁹¹ Tulesanga abacenjela, bakashimikila abasambilila, bakasabankanya wa mbila nsuma, baleesha ukucitwala Cena pa muntu umo umbi. Mwamona?

Mulandu nshi, mulandu nshi Pilato talandile ukuti, "Ukuba, lolelako pakashita akanono, uyu Umuntu... uyu umukashi naisa nokunjeba ine, kabili Ine nalyumfwa ubunte ubwingi palwa Iwe. Namwishiba, Ine—Ine ndi uwakabila. Ine kuti nafwaya ukwishiba. Cinshi ico Ine ningacita pakuba no Mweo wa Muyayaya, Mukwai? Iwe uli pa maboko yandi. Cinshi ico

Ine ninga cita?" Ukuba, ena kuti atila—ena kuti atila... Ena atile, "Bushe—bushe Iwe niwe Mesaya? Bushe—bushe Iwe niwe i—Mfumu ya ba Yuda?"

¹⁹² Atile, "Ifyo efyo iwe wacilanda. Iwe nau landa ico."

"Nangu, twebe ifwe, icine cine, bushe Niwe i Mfumu yaba Yuda?"

Atile, "Pali ico Ine nafyelwe."

Atile, "Ine nshisangile icilubo muli Ena." Uh-huh. "Ukuba, Ine nalasamba fye Ena ukumufumya pa maboko yandi."

¹⁹³ Ena amwaswike ena, lelo ena tacipokelele Ena. Mulandu nshi? Cena kuti cabweseha pansi ukwishesibikwa kwakwe. Eico ena atontonkenye ukutila alemutumafye kuli shimapepo wa calo, kibili nokumona ico ena engacita palwa Cena. Mwamona?

¹⁹⁴ Icintu cimo cine nomba, umulandu waisa nakabili. Cinshi ico iwe wingacita na Cena, i Cebo? Cinshi ico ufwile wacita, ipusha shimapepo, nangu bishopo, nangu umuntu umo, nga cakutila imwe kuti mwacinja ubwiminishi bwa lubatisho, nga cakutila imwe kuti mwacita *ici*, nangu ukucita *ici*? Iwe wamona ico, kibili, "Icine cine, teiwe iyo." Iwe wacibweseha kuli iwe. Nga cakutila wacita, uli nokutamfiwa ukufuma. Mwamona?

¹⁹⁵ Cena cili nokuleta pansi ukwishesibikwa ku bantu. Ee, bena—bena batontonkanya... Kibili icisaka ica filonganino tekuti ciminine... Kwati—kwati Pilato ukucitwala Cena kuli Kaisaleya; bena tbafililwe ukucimininako Cena. Kaisaleya acibwekeshemo Cena kunuma pa maboko yakwa Pilato. Eico bena baeseshe ukutwala Ena kuli balya—balya abakalamba ba filonganino, kibili cena tacabombele. Ubu ubwile tabwatala abubomba, kibili tabwakatale abubomba. Cena tacabombele kuli Pilato; tacili nokubomba pali iwe; cena tacili nokubomba pa muntu nangu umo umbi. Nomba, ica bubili, icintu ico ufwile ukucita nici...

¹⁹⁶ Ica butatu, ukucila, kumupokelela Ena nangu ukumukana Ena. Iwe tekuti umusambe Ena ukumufumya pa maboko yobe. Iwe teti umutwale Ena kumibombele imbi, nangu icintu cimo cimbi. Iwe ufwile walolenkana nomulandu. Eico cinshi ico iwe wingacita?

Kwati Pilato, aiminine pamo ne cintu cimo cine, atile, "Mpeni amenshi, Ine nalasamba Cena ukufuma pa maboko yandi, ukushininkisha!" Lintu ena abwelele, ena nangu cibe ifyo ali nokupisha ubupingushi; ico tacamulengele ena ukukwata umwakufisama. Ena aeseshe ukulanda ukuti, "Ukuba, Ine, nga cakutila Ine nafilwa ukumufumya Ena pamaboko yandi, Ine nalabika Ena pa maboko yakwa Kaisaleya." Kibili Cena califilike, cabwelele kuli ena.

¹⁹⁷ Cena cilacitika kuli iwe, pamo, nga iwe weka. Cinshi ico iwe uli nokucita? Tecilya ba mayo bacitile, cilya ico ba taata

bacitle, cilya ico kakumba acita, cilya ico Munyina Branham acita, ico onse; Cena cili pa maboko *yobe!* Cinshi ico iwe uli nokucita palwa Ico, pamo noyu Yesu uwitwa Kristu? Pantu, iwe naukwata u Mulopa pa maboko *yobe*, kabilo Wena Mulopa wakwa Lesa. Nomba cinshi ico iwe uli no kucita? Ukuba uwa mulandu nokutanikwa. Mwamona?

¹⁹⁸ Iwe teti umutanike Ena, ukupokelela amasambilisho *yobe* nangu conse ico ulefwaya, nangu ukulanda, “Ukuba, Ine nalatumutwalafye ukumufumya. Ine nshikwete nangu cimo icakucita pali ifi ifintu ifya mu chalichi.” Iwe teti ucite ico. Ena ali pa maboko *yobe*. Ico nacilungama. Iwe teti ucite ico. “Ine nalalabako fye ku cintu conse.” Iwe tekuti ucite ico. Cena cicilifye pa maboko *yobe*. “Ukuba, Ine ndi nokulandafye ukuti, ‘Kakumba wandi ewamfundishe *ici*.’” Cena cilakana, kubwelelafye kunuma. Cena nipali iwe. Namwishiba. Nomba, iwe kuti limbi wa mupokelela Ena nangu kuti wamukana Ena, munshila yonse fye iyo iwe wingafwaya ukucitilamo ico. Cinshi? Cena cifwile ukwisa pali umo pali bena.

¹⁹⁹ Nomba cinshi? Nga fintu Yesu atile kuli aba aba Faliseo, Ena atile, “Nga fintu imwe muli impofu mweba Faliseo,” mwamona, Nani uwinka landa cena icintu cimo cine ileelo, “imwe mwe mpofu bakafundisha wabukapepa, iwe kuti mwailuka inshita ya Yakubombela pamo. Imwe mulelwisha ico nganshi, kabilo mwishibe ukuti Lesa aimishe icintu cimo cine icakonauala imwe.” Mwamona, kukana ishiba Amalemo. Mwamona? “Imwe, kuti mwalingulula ukuti ukubombela pamo kuli nokusenda isonde. Imwe kuti mwamona ico. Imwe kuti mwalingulula ico.”

²⁰⁰ Amasambililo yesu yaba pakubombela pamo. “Ukuma ukubombela pamo ukufuma!” Ine ndomfwa Ico mpaka nalaumfwa ububi ukulakutika kuli cena. Ine nshifwaya cena, pamo. Icine cine, Ine nshicifwaya cena. Lelo Ine nalicilapo ukukana umuntu nangu umwanakashi uyo uukana Yesu Kristu, i Cebo. Nangula, iwe kuti waba kashimikila nangu conse ico iwe waba, iwe walicilapo ukuba munkongole kuli Kristu ukucila kulya ukwaba bombela pamo kwaba. Ena aba uwakukana ishiba kabilo taishibapo nangu cimo palwa Ico. Imwe mufwile ukwishiba. Mwamona? Imwe kuti mwalingulula inshita yakubombela pamo, lelo imwe tekuti mulingulule icishibili ica bushiku buntu imwe muleikalilamo.

²⁰¹ Yesu aebele balya aba Fariseo, atile, “Imwe ba myalu myalu!” Atile, “Imwe mulafuma mwaya nokulolesha mu makumbi, kabilo mwatila akasuba naka kashika akafitulukila kabilo akakutinya, mailo kakaba akakumfwisha ububi. Nga cakutila umuulu ukaba uwamoneka bwino,” atile, “Imwe mufwile ukulanda ukuti mailo bukaba ubushiku ubwabuta.” Atile, “Imwe kuti mwalingulula ifishibili ifya nshita, nangu ifishibili fya mu muulu kabilo ne nshita ifyo ili, lelo ifishibili fya nshita imwe tamwaishiba.” Ena palya Epo ena ali, Messiya, no kukana Cena.

Kibili ifwe Lyonse tulalanda palwa kubombela pamo nenfintu fimo ifi, lelo, icishibilo ica nshita, ifwe tatukwata ico. Mwamona? Ifwe tulacilila pali ico, tulasha ico. Ukwampana capamo pali ino ine inshita, kibili bena balapokelela ico, lelo balafilwa uku kutuluka kibili nokumona icishibilo ica nshita ico Baibebe yalanda ukutila cili nokuba.

Bushe namumfwa Ico? Mfwile naisalila, bwangu bwangu nomba. Inshita naipwa, mwamona.

²⁰² Nga fintu ba taata babo bacitile, nabena efyo balecita, icintu cimo cine ileelo. Nomba, ubusalo bwaflikwapo. Bwena bufwile bwaflikwapo. Imwe mufwile mwafika pali cena, munshila imo. Mwamona? Ukutanika ukwa Cebo nakabili, nangu cinshi ico imwe muli no kucita? Ukutanika kwa Cebo kuli mupepi. Ukutanika kibili nokulesha i Cebo icashininkishiwa, pa—pa mulandu wa cilonganino, kwati fintu Pilato acitile, ukwesha ukucitwala ku muntu umo. Nomba cinshi eco iwe, nga iwe umo, ufwile ukucita ne Cebo icasubwa ico icileitwa Kristu?

Umo wine mailo, umo wine Kristu ulya uwasubile i Cebo mu nshiku shakwa Noah. Kristu Umo wine, cilya—cilya i Cimuti cilya icali mwi bala lya Edeni; cilya Efa ashile, akene ukulyako kuli ici i Cimuti ca Mweo, abulile icimuti ca mano; ena, ashile i Cimuti ica Mweo, nokubula icimuti ca mfwa. Inshita yakwa Noah yacitile icintu cimo cine. Mu nshiku ishaba kasesema, bena bacitile icintu cimo cine. Mu nshiku shakwa Kristu, bena bacitile icintu cimo cine.

Kibili pano bena ileelo. Pantu cila umo alelanda palwa nshita yakwe, kibili, lintu cilya icintu cafikilishiwe, cila nshita ilyo bena babulile imilandu iya filonganino, nefyaba ngefyo, kibili amano ya mwi sonde mu cifulo ca Cebo icasubwa icakwa Kristu. Cinshi ico iwe wingacita, nga umo?

²⁰³ Pilato tatalile amufumya Ena pamaboko yakwe. Ine—Ine ndeisalila, eico imwe beni tondolo icine cine pakashita. Pilato tatalile tatalile amufumya Ena pa maboko yakwe. Nangula iwe kuti wacita ico, munshila intu ena acitilemo, ukwesha cimo pali uku ukutantinka. Ena tatalile acita ico. Imwe namwishiba ico icacitike kuli Pilato? Alufishe amano yakwe. Cena cafikile ukutila conse ico aleumfwa nipali kulya ukutanikwa. Conse ico ena aumfwile cali ica kukalifya, icakutila mukulekelesha alipenene.

²⁰⁴ Kibili balikete umuntu uwaishibikwa kulya ku Norway, nangu iyo...Njeeleniko. Kulya ku Switzerland; kulya, Ine naliflikako, nga missioni. Balanda ukutila amakana yakolongene kulya ukufuma mwi sonde Lyonse, pa bushiku Ubusuma ubwa pali Cisano; mwali icipunda mu menshi umo Pilato aikulike. Ena mukulekelesha aiposele mu kufwa muli ici icishiba ca menshi. Kibili balanda ukutila Cisano Musuma, pa fili koloko mu nshita ya cungulo kasuba, amenshi yalapilibuka ukuba aya makumbi

makumbi, yena yalabilauka ukutula palya pene apo ububili wakwa Pilato walele. Ena akene Cena. Pene paliba u Mulopa pa maboko yakwe. Kabili ena alikana, aliken; amenshi.

Iwe teti umusambe Ena ukumufumya pa maboko yobe. Tapali amenshi, tapali sopo iyapwililika, iyo iinga wamya Ico. Ena ali pa maboko yobe. Cinshi ico wingacita pamo na Ena?

²⁰⁵ Pano epalifye icintu ico iwe wingacita. Nga cakutila iwe teti u musambe Ena ukumufumya pa maboko yobe; iwe teti umutwale Ena kucintu cimo cimbi; iwe tekuti mukutunganyafye umutwale kuli. Cena tamwaba inshila nangu imo mwi sonde. Icintu fye cimo ico iwe winga cita kupokelelafye Cena, mu mutima obe. Iyo ine fye e nshila iyakufumyapo Ena. Ukufumya Ena pamaboko yobe nokubika Ena mu mutima obe, nangu ukumusha Ena pa maboko yobe nokwiminina ku Bupingushi. Ico ecintufye cimo ico iwe winga cita.

Impela yakwa Pilato yali imo iya bipisha.

²⁰⁶ I Cebo calanda ukutila abo abamusunga Ena pa maboko yabo... Ine naciba nokubelenga Ico. Lelo Cena catile, "Bena balilile ku mabwe naku mpili. Bapepele, lelo amapepo yabo yali ninshi inshita naipwa." Mwamona? Bena balilile, "Tufiseni ukufuma ku cinso Ena uyo uwaikala pa Cipuna, kabili nokufuma kubukali bwa Mpaanga, ico ekuti... Sukusuku, u Mweo wa Mpaanga uyo waisa. Pantu, Ubushiku ubukalamba ubwa Bupingushi nabucitika, kabili nani uuli nokwiminina?"

²⁰⁷ Cinshi ico uletontonkanya Oswald ali nokucita nomba lintu ena aenda nokuya ku Cilye i Cikalamba, kabili nokumona yalya amenso yabukali abaya—ayaba kapingula na bonse nabekala mulya? Ena naishiba ico icalacitika. Cena calaba limbi ukumutwala mu muputule wa mwela wa bipa, nangu ukumukulika ku ntambo mulya, nangu icintu cimo. Ena afwile alolenkana naco.

²⁰⁸ Lelo nga cakutila waenda ukufuma mulya no Mulopa pa maboko yobe, uwakukana? Kabili nokwishiha ukutila imbo eikele mupepi na iwe, ubonaushi bwa Muyayaya; uku lalilila ku mabwe naku mpili; lelo ukupepa, pantu amapepo yali ayanshita yapwa.

Muba Hebere 10, "Nga cakutila twabembukila itolo." *Ulubembu* lwaba "kukana cetekela." "Nga cakutila twakana ukucetekela kwi tolo panuma twapokelela Icine, ukwishiha ukwa Cine." Iwe taufwile wacipokelela Cena; kwishiha fye palwa Cena. Iwe tawakwata Ico, iwe fye... Oh, iyo, iyo. Mwamona? Taufwile ukulanda ukuti, "panuma ifwe twapokelela Icine."

...nga cakutila twabembukila itolo panuma ifwe...
twapokelela ukwishiha ukutila cena e cine, palya
tapashalapo ilambo lyapa membu,

*Lelo ica . . . icimoneka icakutinya pa . . . i cakutinya ica
kukalifya, . . . icili nokwipaya icibambe,*

*. . . Pantu Lesa atile, Icilandushi Candi, kabili Ine ndi
nokulandula, efya—efyasosa Shikulu.*

²⁰⁹ Nga cakutila ifwe twakana ukucetekela Cena, kwitolo, panuma ya Cine capelwa kuli ifwe, takuli nokuba uluse nakabili. Takuli uluse ululi nokupelwa.

Kakumba, weule kutika kuli iyi tepu, nga palwa ico? Membala wamu chalichi weule kutika kuli iyi tepu, nga palwa ico? Cinshi ico iwe walacita, nga cakutila ifwe twakana ukucetekela Cena kwitolo? Tekuti ucisambe Cena ukufuma pa maboko yobe. Iwe tekuti ucitwale Cena kucisaka. Cena cili nokufilika, nokubwelela bwino kuli iwe. Iwe naumfwia Ico. Nga palwa iwe? Uli nokwiminina shani muli bulya Bushiku?

Ena limbi ali pa maboko yobe nangu mu mutima obe, cimo nangu icibiye. Lesa atwafwe bonse.

²¹⁰ Nga—nga cakutila imwe mwaelenganya ifya kwipaya ne mfuti, kabili nacilya icali nokupita mu mutima waulya muntu! Cinshi ico acitile? Abukile inshita ninshi naipwa, panuma ninshi ena nacita ico kale.

Lolesheni, ena alikwete inshita. Ena afyelwe umwina America umuntungwa. Ena ali mwina America. Lelo alefwaya ukushitisha ububeli bwakwe, pakuba umwina Russia, kabili calimubwelele. Ena aupile umukashana waku Russia. Nomba ena temuntu ulya uupokelela amatontonkayo aya kabungwe kaba communistic aka ku Cuba.

Ukutontonkanya kwa buntungwa, “Ine ndatontonkanya pa lwandi ne mwine.” Iwe taukwete itontonkanyo nangu limo ilileisa. Cinshi ico iwe uli nokucita pamo na Yesu uwitwa Kristu? Iwe taukwete ukutontonkanya kwa buntungwa. Takwaba ukutontonkanya ukwa buntungwa. Lekeni amano ayali muli Kristu yabe muli imwe.

Natupepe.

²¹¹ Tontonkanya aya amatontonkanyo, “Nga cakutila kuti kwaba ukulumbanya ukuli konse, nga kuti kwaba amaka ayali yonse, tontonkanyeni pali ici.” Mukati kesu muno lucelo, kabili muli uyu tepu, pamo, Ine ndelanda. Nga cakutila iwe uli pano muno lucelo, kabili nawishiba ukutila iwe tauli uwalungama pamo na Lesa, kabili iwe tawafyalwa ku Mupashi Wakwe, kabili Lesa alikwata . . .

Mwatila, “Ukuba, Ine nintumbula.” Ico teco Ine ndelandapo. Bushe Lesa napokelela ico? Iwe kuti mwatila, “Ee, Ine—Ine nimpanga ukutumbula, nefyaba ngefyo. Ee, Nincetekela.” Ifyo fine efya citile na Pilato, “Ine nintumbula, icine cine, ‘Cinshi ico Ine nalacita pamo noyu u Muntu umulungami?’” Iwe teti

umusambe Ena ukumufunya pa maboko yobe kwati ngefyo. Iyo, iyo.

²¹² Cinshi ico iwe walacita pamo na Ena? Nga cakutila iwe tauli umwina Kristu uwafyalwa cipyapcipya, tawakwata na Mupashi wa Mushilo uyo uwikala muli iwe, uleinonkelafye u Mweo obe, nomba mulandu nshi iwe tawinga pokelela Ico nomba? Iwe tawakatale ausamba Ico ukufuma pa maboko yobe. Iwe tawakatale aumfwa impela ya ino i Mbila. Cena cili nokulila ukupita mpaka iwe waleta i Mbila mu mutima obe, ukutila Yesu Kristu aba cimo cine mailo, ileelo, no muyayaya.

²¹³ Mulilino ibumba ililemoneka muno lucelo, bushe kuti kwabapo bamomo abo abengeluka ico, ukutila bena balilufyanya, kabilikuti baimyako amaboko yabo. Ifwe tatukwete incende iyakwisa ku cipailo, incende naisulisha. Lelo landafye "Mpepelako ine, Munyina Branham. Lesa angafwilishe." Lesa amipale imwe, Namona ukuboko kobe. "Cena, Ine ndefwaya ukucita, nomba. Pano pene Ndefwaya, ku cinsocakwa Lesa, Ena eshibe ukutila Ine ndi uwasekwa, kabiline ninjiluka ukutila Ndi uwasekwa. Ine—Ine ndefwaya Ena afume pa maboko yandi; Ndefwaya Ena ese mu mutima wandi." Imyako ukuboko kobe, utile, "Mpepelako, Munyina Branham." Shikulu Akupale. Namona, muliyi impendwa ya bantu pano, limbi amakumi yane, amaboko amakumi yasano nayema pano.

Aleita ileelo, aleita ileelo,

Tontonkanya pali ico nomba, ulya ni Ena aleita. Yesu aleita. Ulya ni Ena alelanda kuli iwe.

²¹⁴ Bushe iwe walibembuka ukufika apa, mpaka umutima obe waba uwakukana tontonkanya pali bamomo, mpaka iwe tauli, teuti nangu umfwe Cena nakabili? Panshita imo, ngo mulumendo umunono nangu umukashana umunono, iwe walyumfwile Cena. Iwe walikwete ukukabila ukwakucita ico, lelo iwe Cena walicifumishepo, kabilikuti tawakwete ukutontonkanyapo pali bamomo abalibabaptaulwa kabilikabatintwa. Bushe cena naciya apatali icakutila iwe teti umfwe Cena nakabili? Nipesa epowiminine...ukukwata ico...pa ncende apo kwati Oswald eminine muno lucelo, ico iwe nawishiba? Uh! Kuti wacitashani ico?

Bushe kuliko naumbi ilyo tatulaisala kabilin Nalapela ipopo? Konse konse fye mucikulwa, kuli abo abashimishe ukuboko, tila, "Munyina Branham, ukutula fye apo wacilandila amashiwi yakulekelesha, Ine—Ine naumfwa ukuti." Umuntu onse, uuli panse, munshila, abalipama windo, konse kuncende, tacilesakamika. Kuti fye...

²¹⁵ Lesa apale iwe, na mayo umunono. Lesa apale imwe, mukwai, iwe. Nakwikata iwe. Ena epo ali... Lesa akupale, na mayo. Umuntu umo umbi? Lesa akupale, na mayo. Lesa amipale

imwe, pano. Kibili Lesa akupale iwe kulya, we mulumendo munono, we mukashana munono. Ee, Shikulu apale iwe. Kulya kunuma, mukwai. Ee.

Nomba lekeni fye tutontonkanye palwa ico nomba. Ndefwaya imwe mucite ici ilyo panono panono tuleimba uli, *Yesu A Leita*. Nomba Ndefwayafye imwe mulande ukuti, “Shikulu, beni abaluse kuli ine, ne mubembu, nangu kapashanya. Ine ndi membala wamu chalichi, Shikulu, lelo Ine—Ine—Ine ndefwaya Imwe. Ndefwaya Imwe. Ngafwilisheni ine! Ine ndi—Ine ndi no kubombela Imwe. Ine nalaya ico, ino ine nshita. Ninjimya ukuboko kwandi, ukutila Ndefwaya Imwe. Nomba Imwe imyeni umutima wandi, ukutila Ine napokelela Imwe, kibili Ine nalapokelela Imwe mu mutima wandi.” Ilyo ifwe tuleimba iyi versi nakabili, bushe kuti mwacita ico?

Aleita ileelo, aleita ileelo,

²¹⁶ Nomba pepela iwe mu nshila yobe. Pepa nomba.

Yesu aleita . . .

Ulya ni Ena alelanda. Uyo wine e mulandu untu iwe wacimisha ukuboko kobe.

. . . mukunakilila aleita ileelo.

Yesu aleita, O lembesha kwi Shiwi Lyakwe,
Mumfweni Ena . . .

Pali ino ine inshita, umfwa Ena. Utile, “Shikulu, Ine ninsekwa. Umulopa Obe uli pa maboko yandi. Ine ndi mubembu. Nshilefwaya Cena palya nakabili. Ine teti nsambe Cena ukufumapo; Ine nalyesha ico, pa myaka. Ine nshamitamfyne Imwe kwati fintu Pilato acitile, kibili nokwesha ukumituma Imwe ku muntu umbi. Ndefwaya Imwe. Mwise mu mutima wandi, nomba line, Shikulu. Ine namipokelela Imwe. Ine namona Iwe nawiminina ku cinsو candi, kwati cipasho iciminine palya; ukupitila ku citetekelo Ndeenda ukwisa muli Imwe, ukwishiba ukutila Imwe mwalanjeleta ine. Kibili Ndi . . . Imwe mwalaba mu mutima wandi, ukufuma nomba ukuya ku ntanshi.”

. . . ileelo,

Cila umo apepe.

Yesu aleita, Ena mukunakilila aleita ileelo.

²¹⁷ Taata mweba mu Myuulu, imbila iinono yapwa. Kibili nomba, ubusalo ubwingi, ifilye nafibikwa muno lucelo. Ba malaika nabalongana mu muputule. U Mupashi wa Mushilo uukalamba pano ulepela ukushininkisha ukutila yesu Kristu acili no mweo. Ena euli akafukauka aka Mweo wa Muyayaya. Inshishi tayamwikatilile Ena, nangula imbo ukumusunga Ena. Ena nanina mu muulu; nakakulwa ukufuma ku mbo, nakakulula ukufuma ku nshishi. Kibili Ena naiminina pakati kesu, ileelo.

Kabili namasambilisho yesu nefilonganino fyalikaka abantu abengi abesu, Shikulu. Ulubembu lwalibakaka bena, lelo ileelo balefwaya uku kakulwa. Bena baiminina kwati ni Pilato, kabili, mucifulo ca kwesha uku mutwala Ena ku muntu umo umbi, bena nabemya amaboko yabo, “Iseni mu mutima wandi, Shikulu Yesu. Ine nsha musambe Imwe ukufuma pali ine nakabili. Ine teti incite ico. Imwe mucili pa maboko yandi. Ine ninsambafye kabili ninsamba, kabili Imwe namufilwa ukufumapo, lelo nomba Ine namipokelela Imwe. Ndefwaya Imwe mu mweo wandi, kabili Napokelela Imwe mu mweo wandi. Shikulu, mpokeleleni ine mu Busumu Bwenu, ukupitila mu kwelela kwa membu shandi, kabili mpeni ine icicetekelo ukucetekela ukutila Imwe namumpokelela ine, Taata.” Fikilishei ico. Ukupitila mwi Shina lyakwa Yesu Kristu, twapepa.

²¹⁸ Kabili nomba, ilyo tukontekeko imitwe yesu, kucicetekelo, ukupitila mucicetekelo, “Kabili, Lesa, Imwe mungafwilishe ukuba uwa cishinka, lelo ukwishiha ukutila Imwe mwalaya ukuti ‘Ena uyo uuli nokwisa kuli Ine, Ine munshila ili yonse nshakamutamfye. Kabili Ndi nokumupela u Mweo wa Muyayaya, kabili Nkamwimya pa bushiku ubwa kulekelesha. Ena uy uukalandra Ine ku cinso ca bantu, ena ewo Naine nkalandra ku cinso cakwa Taata Wandi nakuli ba Malaika ba mushilo. Uyo uuleumfwa,” icine, ubupililubo ubwa cine ubwa muli Yohane Washila 5:24 mulya, ali, “ena uyo uwakutuluka ico, uyo uwapokelela i Cebo Candi. Ena uyo uwapokelela i Cebo Candi, kabili nokucetekela Ena uyo uwantumine Ine, nakwata u Mweo wa muyayaya, kabili taketwe ukwisa ku Bupingushi.” Iwe tauli nokwisa ku Cipuna ca Bupingushi kwati fintu Oswald ali nokucita. “Lelo iwe naupula,” nokwelelwa ukwabula ukushita, “ukufuma mumfwa ukwingila mu Mweo.”

²¹⁹ “Shikulu, Ine nshishibe ifyo, Nshishibe umulandu, lelo—lelo Nincetekela cena nacicitika. Nincetekela ukutila, mu mutima wandi, ukukana cetekela kwandi nakuya. Ine mubuntunga kuti natila ‘ameni’ ku Cebo conse ico Imwe mulandile, kabili Ine napokelela Cena nombaline. Ine nacetekela cena.”

²²⁰ Nomba ne mitwe yenu iya kontama. Imwe mweba cetekela ico ukuti, mwe bacimya amaboko yenu inshita inono iyapitapo, kabili ukupitila mukucetekela imwe mwamona icipasho icakwa Kristu naciminina palya, ico imwe mufwile ukubamo, iwe nomba uleenda ukupitila mucicetekelo, ukucetekela ukutila imembu shobe nashelelwa. Kabili ukufuma bunno bushiku ukuya kuntanshi, iwe uli uwaipekanya ku lubatisho lwa bwina Kristu, kabili uli uwaipekanya nomba ukwendela muli Kristu. Bushe imwe, ngo bunte kuli Ena, mwimye amaboko yenu ukubwesha, mutile, “Ukupitila mukucetekela Ine nacetekela Cena nomutima wandi onse”? Lesa ampale imwe. Ico cili bwino. “Ine nomba nacipokelela Cena. Ine—Ine nacipokelela; tapali cimbi ico

Ningacita.” Lesa amipale imwe. Camoneka kwati onse untu Ine namona aletina. “Ine nomba nacipokelela.”

²²¹ Mwamona, iwe tauli umusuma, iwe tawatala auba umusuma, iwe tekuti ube umusuma, lelo Yesu afwilile abantu abo abashali abasuma. “Cinshi ico Ine mfwile ukucita, Munyina Branham?” Iwe pokelela fye ico Ena acitile, pokelelafye ico Ena acitile kuli iwe. Kibili nomba ukupitilafye mukucetekela Cena noku pokelela Cena . . .

Nomba, Ine nacetekela, kakumba, icishiba calaisuka. [Munyina Neville atila, “Ee.”—Kale.] Ulubatisho lwalaba mu mutande, nga cakutila iwe ulefwaya ukubatishiwa.

Nga cakutila wasenda ifya kwimininako, “Taata, Mwana, na Mupashi wa Mushilo,” iwe icine cine . . . Ndelata ici mukatina no mucinshi, lelo, mu nshila yandi iya kumwenamo cena, iwe tawabatishiwa. Iwe tawaba, pantu iwe tawasenda ico Ena alandile.

²²² Ena atile, “Mule babatishisha bena mwi Shina ilya kwa Taata, Mwana, na Mupashi wa Mushilo.” Nga cakutila iwe wakwetefye ifyo ifya kwimininako ukwitwa pali iwe; Ena tatalile alanda ukuti, “Kabiye wite ifi ifya *kwimininako*; kabiye wite aya ama *shina*.” Cena tacatalile acicitwa muli Baibele. Cena tacatalile acicitwa muli iyo nshila. Cena cali, mubatishishe munshila Yesu alandilemo, “Mwi Shina ilyakwa Taata, Mwana, na Mupashi wa Mushilo,” ico icili ni Yesu Kristu.

²²³ Petro, ne mfungulo, alandile icintu cimo cine, umutumwa onse umbi, i Chalichi conse, mpaka pa Cisaka icakubalilapo ica Nicaea lintu ichalichi ca Katolika ica ba Roma ca ampene pamo, capokelele ifya kwimininako mucifulo ce Shina. Iwe limbi kuti waba uwabatishiwa muca ku cetekelamo icaba Roma ica filonganino, nangu ukubatishiwa mwi Shina ilyakwa Yesu Kristu, cimo nangu cimbi. Cena cili pa maboko yenu, iwe teti ucisambe ukucifumyapo Cena, Cena epocili.

Iwe naucipokelela Cena nomba. Ine nalaipusha iwe, nga—nga kalisha wacinanda kibili na kalisha mupilibule ukuya ku lwimbo ulwakale ulwaishibikwa:

Icicetekelo candi cileloleshafye pa muulu kuli
Imwe,
We Mpaanga yapa Kalbale,
Kapususha uwa Maka;
Nomba ng’umfeni ilyo Ndepepa,
Kibili fumyebipo konse ukusekwa kwandi,
Kibili lekeni ine ukufuma buno ubushiku
Imbe u Wenu uwafikapo!

²²⁴ Umuntu nangu umo efuma mucikulwa. Nomucinshifye iminina nomba, kibili lekeni twimye amaboko yesu kuli Ena nomba.

Icicetekelo candi cilelolesha kuli Imwe, (Kabili
 Ena e Cebo.)
 We Mpaanga yapa Kalbale,
 Kapususha uwa Maka;
 Nomba ng'umfweni ine ilyo Ndepepa,
 Sendeni imembu shandi shonse
 ukushifumyapo,
 O lekeni ine ukufuma buno bushiku
 Imbe uwafikapo... .

Uwafikapo kabili uwapwililika, Uwenu! Ine nomba nacimba umweo wandi.

²²⁵ Amenshi yalapekanishiwa mu mamineti ayanono. Nga cakutila iwe taubatishiwe nomba, ifwe twalabatisha nakabili munshita yabushiku.

Tontonkanya pali ico, icungulo kasuba conse, “Pa maboko yobe.” Ukufumyapo Cena. Inshila fye imo iwe winga citilamo, ku, kusamba mu Mulopa uwakwa Yesu Kristu, Uyo uwaba... Mwamona? Ee, mukwai. Ibukisha ico nomba ilyo ifwe twakonteka imitwe yesu. Lolesha kuli Ena nomba.

Ilyo ukufita kwa mweo takulapwa... .

²²⁶ Ubusalo buli mu mutima obe nomba. Ena ali mukwesiwa. I Cebo kale kale cili mukutanikwa. Kristu mukweshiwa. Cinshi ico iwe walacita na Yesu uwitwa Kristu?

Beni imwe Katungulula Wandi;
 Lekeni ukufita kupilibuke ileelo,
 Futeni ubulanda, ifilamba ukufumyapo,
 Nangula ukuleka ine mpumbuke
 Ukufuma kuli Imwe ukuba pambali.

Nomba uku kontamika imitima yesu kuli ico. [Munyina Branham aing'witawila *Icicetekelo Candi Cilelolesha Pa Muulu Kuli Imwe—Kale.*]

²²⁷ Tontonkanyeni mukushika, ba cibusa. Limbi kuti caba ishina lyobe elya shalikisha ukuba mwi Buuku. Ifwe tuli pa nshita yakulekelesha. Nomba tontonkanyeni mukushika ukutuntulu. Bushe iwe, bushe kuliko umo pano uyo uwa mutamfyा Ena?

²²⁸ Ibukisha, cena limbi tacakabwele nakabili. Pilato takwete inshita imbi. Alyeseshe apakalamba ukuti apusuke, kabili ena alifililwe ukucita ico. Cena cali pa maboko yakwe. Kabili cinshi ico iwe walacita ne Cebo icasubwa ica buno bushiku, icitwa Kristu?



CINSHI NALACITA NA YESU UWITWA KRISTU? BEM63-1124M
(What Shall I Do With Jesus Called Christ?)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, muli Chinshikubili pa 24, 1963, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabilo nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org